

**KOMMUNIT AKUNNERMINNI AKILIFFIGEQATIGIITTARNISSAMUT PISUSSAAFFII
PILLUGIT INATSIARTUT PEQQUUSSUTAATA ATORTINNEQARNISSAANUT
ILITSERSUUT.**

<u>Imarisai:</u>	qupp. no.:
1. Siulequt (tunuliaqutaasut siunertallu).	2
2. Peqqussutip ilusaa aaqqissuussaanelalu.	2-3
3. Atuuffissaa.	3-5
4. Nassuiaatit.	5-10
5. Inuit aalajangersimasut kommunimi sumi najugarivitaqarnerat pillugu aalajangersakkat:	10-13
a. Ilinniagaqartut.	10-12
b. Inuit pisortat suliniuteqarnerisigut inissinneqarsimasut.	12-13
6. Pisortanit ikiorsiissutit:	13-16
a. "Nalinginnaasumik ikiorsiissutit".	13-14
b. Nukinginnartumik ikiorsiissutit.	14-15
c. Iisimatitsisarnissamut pisussaassuseq piffissaqartitsinerlu.	15-16
7. Meeqqanut inuusuttunullu ikiorsiissutit	16-24
a. Aallaqqaasiut, tassunga ilanngullugit angajoqqaatut oqartussaassutsimut tunngasut.	16-17
b. Ataatsimoortumik aalajangersakkat.	17-18
c. Pisortatigoortuunngitsumik inissiineq.	18-21
d. Pisortatigoortumik inissiineq.	21-24
8. Isumaginninnermi malittarisassat allat tunngavigalugit ikiorsiissutit.	24-25
9. Naammagittaalliuuteqartarneq pillugu malittarisassat.	25-26
10. Ikaarsaariarnermi ajornartorsiutit.	26-31

1) Siulequt (tunuliaqutaasut siunertallu).

Kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaat nr. 2, 12. juni 1995-imeersoq akuersissutigineqarpoq Inatsisartut 1995-imi upernaakkut ataatsimiinneranni, atortuulersinneqarporlu 1. september 1995-imi. Ullormit tassannga atorunnaarsinneqarpoq kommuni uninngavigisaq aamma kommuni najugarivitaq il.il. pillugit Inatsisartut peqqussutaat nr. 13 1. november 1982-imeersoq, atortuusimasoq 1. januar 1984-imit, aammalu manna tikillugu malittarineqarsimasoq kommunit akunnerminni pisussaaffii pillugit, tamatumani pingaartumik ikiorsiissutit isumaginninnermut tunngasut pillugit malittarisassat tunngavigalugit ikiorsiissutigineqarsimatillugit akiliisartussaannermut tunngasut eqqarsaatigalugit.

Tamakkununga tunngasut pillugit nutaamik peqqussutissamut siunnersuummik saqqummiussinnermut pingaartumik pissutaavoq paasinarsisimammat peqqussut manna tikillugu atuuttuusimasoq nassuiagassartaqarpallaatsiartartoq, - pingaartumik pisortanit ikiorsiissutinut aamma meeqqanut inuusuttunullu ikiorsiissutinut tunngasutigut, tamatumunnga pissutaangaatsiarunarlu peqqussutip arlalinnut tunngasutigut erseqqilluannigittarnera. Taamaattumik nutaamik peqqussutissakkut salliutillugu siunertarineqarsimavoq kommunit akunnerminni akiliiffigeqatigiittarnissamut pisussaaffiisa nalorninaannerulersinneqarnissaat. Tamanna anguniarneqarpoq pitsaannerusumik periaaseqalersitsiniarneq malittarisassanillu paasiuminarnerulersaniarneq aqutigalugit. Tamatuma saniatigut assigiinngitsunik pissuteqartumik malittarisassat manna tikillugu atuuttuusimasut imarisamikkut pingaarutilinnik amerlanngitsunik allannngortitsiffigineqarput.

Kisianni nutaamik peqqussutissakkut siunertarineqarportaaq Naalakkersuisut naalagaaffeqatigiinnerup ilaani oqartussanik akiliiffigeqatigiittarnissamut pisussaaffiit pillugit, tamatumani ilanngullugit naammagittaalliorsinnaaneq pillugu malittarisassat, illuatungaani Kalaallit Nunaanni kommunit aamma Namminersornerullutik Oqartussat illuatungaani kommunit aamma qallunaat naalagaaffeqatigiinnerata ilaani oqartussat akornanni isumaqatiginninniarsinnaasalernissamut erseqqissumik tunngavissaliinissaq.

Kiisalu siunertarineqarpoq Naalakkersuisut tapersiutaasunik najoqqutassiortitsarnissamut erseqqissumik tunngavissaqalersitaanissaat.

2) Peqqussutip ilusaa aqqissuussaanelu.

Peqqussut imaalillugu ilusiligaavoq, siullermik (kap. 1-imi) nalorninaallisinneqarluni peqqussutip sumut atuuttussaanelu.

Tamatuma kingornagut (kap. 2-mi) peqqussummi tunngaviusumik taaguutit makku "kommuni uninngavigisaq", "kommuni najugarivitaq", "kommuni iliuuseqartussaq" aamma "kommuni akiliisussavisoq" nassuiarneqarput.

Tulliuvoq kapitali (kap. 3) qulequtaqartoq: inuit aalajangersimasut kommunimi sumi najugarivitaqarnerat pillugu aalajangersakkat. Kapitali taanna marlunnik immikkoortortaqqarpooq, siullermi pineqarlutik ilinniagaqartut, tullianilu pineqarlutik inuit pisortat suliniuteqarnerisigut inissinneqarsimasut. Taamaalilluni kommune najugarivitaq pillugu kapitalimi tassani aalajangersakkat kommunimi najugarivitaq pillugu kapitali 2-mi aalajangersakkamit nalinginnaasumit allaassutitut isigineqassaaq.

Kapitalinut pingasunut aallarniutaasunut tulliuvoq kapitali immikkoortoq kommunit imminnut akiliiffigeqatigiittarnissaannik imaqqartoq, tassani pineqarlutik pisortanit ikiorsiissutit (kap. 4), meeqqanut inuusuttunullu ikiorsiissutit (kap. 5) taavalu isumaginninnermi malittarisassat allat tunngavigalugit ikiorsiissutit (kap. 6).

Kapitalimi pisortanit ikiorsiissutit pillugit imaqqartumi eqqartorneqarput pisortanit ikiorsiisarneq pillugu najoqqutassaannerusoq aamma nukinginnartumik ikiorsiisarnermi allaassuteqartitsisinnaanermik malittarisassaaq, tamatumani ilaalluni killiliinermik malittarisassaaq immikkut ittoq.

Meeqqanut inuusuttunullu ikiorsiisarneq pillugu kapitali immikkoortunut pingasunut aggugaavoq. Immikkoortup siulliup imarai ataatsimoortumik aalajangersakkat, tassanilu ilaatigut aalajangerneqqarpooq meeqqanut inuusuttunullu ikiorsiissutinut tunngatillugu kommuni suna kommunitut akiliisussaviusutut isigineqartussaatinneqassatillugu najoqqutassaannerusoq. Immikkoortumi tullermi aalajangerneqqarpooq kommuni suna meeqqap inuusuttunullu kommunitut najugarivitaatut isigineqartassanersoq meeraq imaluunniit inuusuttoq pisortat suliniuteqarnerisigut angerlarsimaffiup avataanut inissinneqarsimanngikkaangat. Kiisalu immikkoortumi kingullermi aalajangerneqqarpooq kommuni suna kommunitut najugarivitatut aamma/imaluunniit kommunitut akiliisussaviusutut isigineqartassanersoq meeraq imaluunniit inuusuttoq pisortat suliniuteqarnerisigut angerlarsimaffiup avataanut inissinneqaraangat.

Isumaginninnermi malittarisassat allat tunngavigalugit ikiorsiissutit pillugit kapitalimi aalajangersumik oqaatigineqqarpooq taamatut ikiorsiisoqartillugu kommuni suna kommunitut akiliisussaviusutut isigineqartassasoq. Tassunga tapiissutitut aalajangersumik oqaatigineqqarpooq kommuni suna kommunitut iliuuseqartussatut isigineqartassasoq.

Peqqussutip naggaataani kapitaleqqarpooq aqutsineq pillugu (kap. 7), kapitaleqqarluni naammagittaalliuuteqartarneq pillugu (kap. 8) kiisalu kapitaleqqarluni atortuulersitsinermik aalajangersakkanik imalimmik (kap. 9).

3) Atuuffissaa.

Peqqussummi § 1-imi, imm. 1-imi, allassimavoq "*isumaginninnermut malittarisassat tunngavigalugit ikiorsiisoqarsimatillugu kommunit akunnerminni akiliiffigeqatigiittarnissamut pisussaaffii peqqussutip matuma aalajangersaavigai*", aamma "*peqqussut kommunit marluk arlallilluunniit akornanni imaluunniit kommunip ataatsip*

arlallilluunniit Namminersornerullutillu Oqartussat akornanni pissutsinut tunngasuni taamaallaat atorneqartussaavoq."

Tamatuma kinguneraa siullermik kommunip suup aningaasartuummik akiliisussaviu-neranik apeqqutip kisimi peqqussummi aalajangersaavigineqarnera. Taamaalilluni peqqussummi aalajangersaavigineqanngilaq kommunip qaqugu aamma qanoq annertutigisumik ikiorsiinissamut pisussaataalartarnissaa, tassa tamanna aalajangersarneqarmat peqqussutini maani pineqartumut tunngasuni assigiinngitsuni, assersuutigalugu pisortanit ikiorsiisarneq pillugu Inatsisartut peqqussutaanni. Akiliisussaataa-nermulli tunngatillugu peqqussummi aalajangersarneqarputtaaq kommunip suup ikiorsiinissamut imaluunniit ikiorsiinnermut akiliinissamut siulliulluni pisussa-nera, aamma periaatsit suut atorneqartarnissaat ikioqqusoq ikiorneqarnissaminik qinnuteqarpat kommunimi allami, kommunimi qinnuteqartup qanoq ililluni qanorlu annertutigisumik ikiorneqarsinnaanissaanik aalajangiisussaviusumi pinnani. Tamanna takuneqarsinnaavoq kommuni uninngavigisaq, kommuni iliuuseqartussa- qaaq aamma kommunip najugarivisap pisussaaffii pillugit aalajangersakkani.

Aappasaanik § 1, imm. 1-imit paasineqarsinnaavoq peqqussutip taamaallaat aalajangersaavigigai isumaginninnermut malittarisassat tunngavigalugit ikiorsiissutit susassaqtut akunnerminni pisussaaffigisaat. Taamaalilluni peqqussutip aalajangersaaviginngilai assersuutigalugu kommunip suup pisussa-nera ikiorsiinnermut, peqqinnissaqarnermut, kulturimut ilinniartitaanermullu malittarisassat tunngavigalugit ikiorsiinerusimasumut, aningaasartuutitut akiliinissamut. Peqqussutip aalajangersaaviginngilaattaq "isumaginninnermi ikiorsiissutit" isumaginninnermut inatsisit tunngavigalugit ikiorsiissutaasimannngitsut pillugit kommunit akunnerminni pisussaaffii.

Kiisalu paasineqarsinnaavoq peqqussutip aalajangersaavigigai kommunit akunnerminni pisussaaffii taamattaarlu kommunip ataatsip arlallilluunniit Namminersornerullutillu Oqartussat akornanni pisussaaffiit, pingaartumik taamaattoqartassamat ikiorsiisoqarsimatillugu inunnut annertuumik innarluutilinnut ikiorsiisarneq pillugu Inatsisartut peqqussutaat tunngavigalugu aammalu kommunit aggornerisa avataani Isumaginninnermut Pisortaqarfik ikiorsiinnermut akuutillugu, Pisortaqarfiup inunnut kommunit agguataarsimanerisa avataanni najugaqalersunut socialkontorisut atortuunerata kingunerisaanik.

Akerlianik peqqussutip aalajangersaaviginngilai kommunit innuttaasullu akornanni, Namminersornerullutik Oqartussat innuttaasullu akornanni pissutsit aamma aallavittut illuatungaani Kalaallit Nunaanni kommunit Namminersornerullutillu Oqartussat illuatungaani- lu kommunit aamma qallunaat naalagaaffeqatigiinnerata ilaani allani oqartussat allat akornanni pissutsit, taamaattoq tak. kinguliini tamatumunnga tunngasut.

Peqqussummi § 1-imi, imm. 2-mi, allassimavoq "Kalaallit Nunaanni kommunit Namminersornerullutillu Oqartussat illuatungaani- lu qallunaat naalagaaffeqatigiinnerata ilaani kommunit oqartussallu akornanni akiliiffigeqatigiinnissamut pisussaaf-

fiit pillugit Naalackersuisut qallunaat naalagaaffeqatigiinnerata ilaani oqartussanut isumaqatigiissuteqarsinnaapput". Tassunga uiggiullugu imm. 3-mi allassimavoq Naalackersuisut oqartussanut taakkununga isumaqatigiissuteqarsinnaasuttaaq akiliiffigeqatigiittarnissamut pisussaaffiit illuatungeriit taaneqartut akornanni isumaqatigiinngissutaatillugit naammagittaalliortarnermut malittarisassat pillugit.

Qallunaat kalaallillu kommuniisa akornanni pissutsit manna tikillugu malittarisassaliugaasimapput ilaatigut inissiisarneq, akiliinermut tunngasut inuillu Kalaallit Nunaanneersut Kalaallit Nunaanni isumaginninnermut tunngasutigut oqartussaasut aalajangiinerisigut Danmarkimi ulloq unnuarlu paaqqinniffinni, ilaqutariinni allani paarisassanngorlugit imaluunniit piginnaanngorsaqqinnissat siunertaralugu najugasarsisinniarlugit avalatsitaasimasut pillugit Isumaginninnermut Pisorta qarfiup nalu-naarutaani nr. 77-imi. Malittarisassat tamakku atortuinnassapput, Naalackersuisulli pisussaataitanermik aalajangersakkani taakkununga tapiissutini imm. 2 aamma 3 tunngavigalugit qallunaat taamatullu Savalimmiormiut oqartussaasuinut isumaqatigiissuteqarsinnaapputtaaq naalagaaffeqatigiinnerup ilaani assigiinngitsuni kommunit oqartussaasullu akornanni pissutsini ajornartorsiutit allat, tamakku-nunga ilanngullugit naammagittaalliorsinnaanermut malittarisassat, pillugit.

4) Nassuiaatit:

Peqqussutip kapitaliisa aappaanni nassuiarneqarput peqqussummi tunngaviusumik taaguutit "kommuni uninngavigisaq", "kommuni iliuuseqartussaq", "kommuni akiliisussaviusoq" aamma "kommuni najugarivitaq".

Taaneqartunut siullernut pingasunut nassuiaatit assigiinnangajappaat nassuiaatit kommuni uninngavigisaq aamma kommuni najugarivitaq il.il. pillugit Inatsisartut peqqussutaanni atorneqarsimasut. Nutaatut erseqqissarneqarsimavoq Isumaginninnermut Pisorta qarfik inunnut kommunit agguataarsimanerisa avataanni uninngavigisaqartunut kommunitut uninngavigisatut isigineqassasoq aamma inunnut kommunit agguataarsimanerisa avataanni najugaqartunut kommunitut najugarivitatut isigineqassasoq. Tamanna naapertuuppoq isumaginnittoqarfiup siulersorneqarnera aaqqissuussaanageralu pillugit Inatsisartut peqqussutaanni § 6, imm. 3-mi aalajangersakkamut, taanna malillugu kommunit agguataarsimanerisa avataanni suliasaqarfinni suliassat, kommunini ataavartumik ataatsimiititaliani suliarineqartartussaagaluit, Isumaginninnermut Pisorta qarfimmi suliarineqartassallutik.

"kommuni uninngavigisaq":

Peqqussummi § 2, imm. 1, naapertorlugu kommuni uninngavigisaq paasineqassaaq tassaasoq kommuni inuup najugaqarfia, apeqqutaatinnagu qanoq sivisutigisumik tassaniinnera. Taamaalilluni aalajangersarneqarpoq tassani uninngaveqarnerup qanoq sivisutiginera pingaaruteqanngitsooq kommunip suup kommunitut uninngavigisatut isigineqarnissaata aalajangiiffiginissaanut.

Kommuni uninngavigisaq assigiinngitsunut tunngasutigut arlalinnik pisussaaffeqarpoq isumaginninnermut inatsit naapertorlugu, soorlu pisussaalluni nukinginnartumik ikiorsiisarnissamut pisortanit ikiorsiissutit pillugit peqqussut naapertorlugu, aamma nakkutilliisussaalluni meqqanut inuusuttunullu ikiorsiissutit pillugit peqqussut naapertorlugu. Tassani pineqarput erniinnaq iliuuseqarnissamut pisussaaffiit, taamaattoqartillugulu kommunip uninngavigisap assigissavaa inuup kommunia iliuuseqartussa, tak. kinguliini eqqartorneqartoq kommunimik iliuuseqartussamik taaguummumut tunngasoq.

Inuup kommuni uninngavigisaa amerlanerpaatigut assigisassavaattaq inuup kommunia najugarivisaq, tassa uninnganeq najugaqavinnerlu amerlanertigut najukkami ataatsimiittarmata, taamaattassananili inuup (allamut) aallarsimagallannerani, tak. kinguliini eqqartorneqartoq kommunimik najugarivisamik taaguummumut tunngasoq.

Inuup kommuni uninngavigisaa arlalitsigut assigisassavaattaq inuup kommunia akiliisussavisoq, taamaattuaannarnaviaranili, assersuutigalugu nukinginnartumik ikiorsiissutit akilerneqarsimappata utertitassanngorlugit ikioqqusup aningaasatigut suliffeqarnikkulluunniit illersorneqarsinnaanngitsumik iliuuseqarsimaneramik pissuteqartumik.

"kommuni najugarivitaq":

Taaguut kommuni najugarivitaq maannamut nassuiarneqartarnerminit itisilerneqarnerujussuusimavoq. Najoqqutassaannerusoq suli imaappoq, kommuni najugarivitaq tassaavoq kommuni inuup aalajangersimasumik ineqarfigalugu najugaqarfia, tak. § 3, imm. 1. § 3, imm. 3-mi nutaatut erseqqissarneqarpoq "aalajangersimasumik ineqarluni najugaq" qanoq paasineqassasoq, tassa tassaasoq *"najugaq (inigisaq) sulinngiffeqarneq, sulianut tunngasumik angalanerit, napparsimaneq assigisaalluunniit pissutigalugit peqanngikkallartarneq eqqaassanngikkaanni siniffigisagaq, pigisanillu uninngatitsivik"*. Taaguummik "aalajangersimasumik ineqarluni najukkamik" taama nassuiaanerup assigilluinnarpaa taaguummik taassuminnga nassuiaat, atorneqartoq inunnik nalunaarsuisarneq pillugu nalunaarummi atortuusumi (inunnik nalunaarsuisarneq pillugu nalunaarut nr. 141 24/3-1993-imeersoq). Taamaattumik ineqarluni najukkamik taaguummik nassuiaanermi pingaartinneqassaartaaq nassuiaaneq inunnik nalunaarsuisarnermut atatillugu atorneqartartoq.

Taamaalilluni "aalajangersimasumik ineqarluni najukkamik" nassuiaanermi tunngavineqartut marluupput, siulleq tunngalluni inigisamut siniffigisakkamut, aappaa tunngalluni inigisamut, pigisanik uninngatitsiviusumut. Tunngavineqartut marluusut taakku pingaartuupput, taamaalillunilu inuup aalajangersimasumik ineqarluni najugaa aalajangersumik oqaatigineqarsinnaanngilaq tunngavineqartup aappaanaa innersuussutigalugu. Pigajuttuunngitsumik ima pisoqassagalarpat inuk pigisaminik uninngatitaqarluni siniffigisagarinngisamini, taava taaneqartoq kingulleq (siniffigisagaq) pingaartinneqarnerussagalarpoq.

Inuup sumi siniffigisartagaqarnera pigisaminillu sumiititaqarnera aalajangiiviginiasagaanni maannamutut tunngavigineqarsinnaavoq paasiniassallugu inuup taassuma inunnik nalunaarsuiffimmut sumiittumut nalunaarsimanera. Inunnik nalunaarsuiffimmut nalunaarneq inunnik nalunaarsuisarneq pillugu nalunaarummi § 1, imm. 2 naapertorlugu pissaaq inuup ineqarfigalugu najugaqarfiani, nalunaarummilu tassani § 3, imm. 1 naapertorlugu inuup allamut nuuttup ullut tallimat qaangiutsinnagit nuunneq nalunaarutigissavaa, kommunilu alla nuuffigineqarpat nalunaaruteqarneq pissaaq kommunimi nuuffigisami inunnik nalunaarsuiffimmut. Taamaattumik ilimagisariaqarpoq inuk taanna ineqarluni najugaqarsimassasoq kommunimi inunnik nalunaarsuiffimmut nalunaaruteqarfigisimasamini. Inunnik nalunaarsuiffimmut nalunaarsimanerup saniatigut aammattaaq pingaartinneqarsinnaavoq paasissallugit inuk (nuuttoq) kommunimi najugarivitarisimasamini inimik najugassamik suli inaateqarnersoq, tassani (kommunimi) ilaquttanut (aapparisamut/inooqatigisamut aamma/imaluunniit qitornanut) qanittumik suli atassuteqartarnersoq, suli kommunimi tassani suliffeqarnersoq, aamma kommunimi tassani suliffissarsiuussisarfirmmut suliffeqanngitsutut nalunaarsimanersooq.

Peqanngikkallarnerup (patsisissanut) ilaatinneqannginnera tunngassuteqarneruvoq pissutsinut aalajangersakkami pineqartunut, oqaatsilli "assigisaasaluunniit" atorneratigut nalunaarneqarpoq peqanngikkallarnerit erseqqissumik taaneqartunit allaasinnaanerattaaq, inuup pineqartup aalajangersimasumik ineqarfigisaminik najugaqarfigilissutiginnigisaanik. Taamaalilluni pingaarnepaajunngilaq peqanngikkallarnerup pissuteqarsimanersooq sulinnigiffeqarnermik, suliamut tunngasumik angalanermik allamilluunniit, akerlianik pingaarnerrussalluni paasissallugu peqannginneq isigineqassanersooq peqanngikkallarnerinnartut.

Peqannginnerup sivisussusia immi aalajangiisuusussaannigilaq peqanngikkallarnerinnartut isiginissaanut. Kisiannili peqanngikkallarnerup qaammatit pingasut sinnerlugit sivisussusilik, aammalu pissuteqanngitsoq ilinniagaqarnermik, sulinnigiffeqarnermik, napparsimanermik, suliamut tunngasumik angalanermik allamilluunniit § 3-mi, imm. 5-imi, aalajangersagaq naapertorlugu isigineqarsinnaannigilaq peqanngikkallarnerut, uppersarnerneqarsinnaannigippat inuup kommunimi allami najugaqavinnini allannortissimannigikkaa. Taamaalilluni taamatut pisoqartillugu isumaqartariaqarpoq inuk pineqartoq aalajangersimasumik ineqarfigisaminik nutaamik najugaqalersimassasoq kommunimi najugaqarfigisamini. Taamaassappat aalajangersimasumik ineqarfigalugu nutaamik najugariligaq isigineqassaaq (tassani) najugaqalerneq aallarnerfigalugu pissarsiarineqarsimasutut.

§ 3, imm. 4 naapertorlugu inuk aalajangersimasumik ineqarluni najugaqanngitsoq inuup taassuma aalajangersimanerusumik uninngavigisartagaani kommunitut najugarivitaqartutut isigineqassaaq. Tassani pineqarsinnaapput inuit (kommuneqarfinnut assigiinngitsunut) nooqattaartartut. Pilertortumik paasineqarsinnaannigippat inuup sumi aalajangersimasumik najugaqarfeqarnera aallarniutigineqarsinnaavoq inunnik nalunaarsuiffinnut nalunaarsimasinnaanera. Inuk inissianik arlalinnik inissiaateqarpat ilaatigut paasiumaneqarsinnaapput inissiaq annerpaaq pitsaanerpaarlu sumiinner-

soq, unnuisarnerit amerlanerpaat sumi pisarnerisut, inuup taassuma pigisaasa amerlanersaat sumiinersut, inuup taassuma aapparisa inooqatigisaaluunniit aamma/imaluunniit meeqqat sumi najugaqarnerisut, sumi meeqqat ulluunerani paaqqinnittarfeqarnerisut aamma inuk taanna imaluunniit aapparisa/inooqatigisa sumi suliffeqarnerisut.

§ 3, imm. 5 naapertorlugu inuk kommunimi uninngavigisami qaammatit pingasut sinnerlugit najugaqarsimappat, taamatullu najugaqarneq ilinniarnermik, sulinngiffeqarnermik, sulianut tunngasunik angalanernut assigisaannilluunniit pissuteqanngippat kommuni uninngavigisaq inuup pineqartup kommunitut najugarivitaatut tassani najugaqalorneq aallarnerfigalugu isigineqassaaq, tassa inuup pineqartup kommunimi allami najugaqavinnini allanngortissimangikkaa uppersarnerneqarsinnaanngippat. Tassani pineqarpoq taamaassorinninnermik malittarisassaaq, kommunimik uninngavigisamik pisussaalersitsisoq kommunip najugarivitap pisussaaffiinik tigusinissamut, najugaqarneq qaammatit pingasut sinnerlugit sivirususeqarsimappat, aamma najugaqarneq pissutsinik taaneqareersunik pissuteqarsimanngippat uppersarnerneqarsinnaanngippallu inuup pineqartup kommunimi allami najugaqavinnini allanngortissimangikkaa.

§ 3, imm. 2-mi aalajangersakkamut sanilliullugu tamatumunnga atatillugu pingaaruteqarluinnarpoq paasissallugu najugaqarnerup sumik pissuteqarnera. Pissutaasimappata ilinniagaqarneq, sulinngiffeqarneq, napparsimaneq imaluunniit suliamut tunngasunik angalaneq taamaassorinninnermik malittarisassaaq atorneqarsinnaanngilaq. Tamatumunnga pissutaavoq taaneqartut pissutaasimagaangata inuup pineqartup kommunimik najugarivitaminik allanngortitsisimannginnissaa. Ilinniagaqartut eqqarsaatigalugit tamanna erseqqissumik aalajangersarneqarpoq peqqussummi § 6, imm. 1-imi, aammalu pissutaasinnaasunut allanut tunngatillugu naatsorsuutigineqarunarluni § 3-mi, imm. 3-mi. Pissutaasinnaasunit allanit taaneqarsinnaapput kursuserneq, efterskolimiinneq imaluunniit paaqqinniffimmiitinneqarneq, tak. § 7, imm. 1. Kisiannili tikeraarneq pissutaasinnaasutut isigineqarsinnaanngilaq. Sulinngiffeqarneq pissutaasinnaassappattaaq sulinngiffeqarneq sulinngiffeqarniviusariaqarpoq, tassa pissutissatut isigineqarsinnaanani inuk pineqartoq sulinngiffeqarnerup ilaani suliaqarsimappat, soorlu piniarnermi aalisarnermilu, imaluunniit suliffissaqanngitsutut kommunimi suliffissarsiuussisarfirmut nalunaarsimappat.

§ 3, imm. 5 § 3, imm. 3-mut 4-mullu nassuiaatitut ilassutaasinnaanermi saniatigut pissutsinut imm. 3-p 4-llu aalajangersaaviginngisaannut immikkut pingaaruteqartussaavoq.

Kommunip najugarivitatut kommuniusinnaanerata paasinissaa pingaaruteqartorujussuavoq kommunit akunnerminni pisussaaffiinut tunngatillugu, pingaartumik aamma akiliiffigeqatigiittarnissamut pisussaaffiit eqqarsaatigalugit, tassa kommuni najugarivitaq amerlanerpaatigut akiliisartuusussaasarmat. Pisortanit ikiorsiissutit pillugit Inatsisartut peqqussutaat malillugu nuunnermut ikiorsiissutit taamaallaat kommunimit najugarivitamit akilerneqarsinnaapput, kommunili uninngavigisaq, najugarivitatut kommuniuunngitsoq, nukinginnartumik ikiorsiisinnaalluni inuup kommunimut

najugarivitaminut uterluni angalanissaanut. Taamaattumik inuk kommunip najugarivitami avataani sivisungaatsiartumik najugaqarsimappat pingaartorujussuuvoq paasissallugu kommuni uninngavigisaa tassaalersimanersoq kommuni pineqartup nutaamik najugarivigiligaa imaluunniit najugaqarneq/uninngaveqarneq isigineqassanersoq najugarivisamit qimagusimagallernerinnartut taamalu kommuni najugarivitaq isigineqartuassasoq kommunitut najugarivatut.

"kommuni iliuuseqartussaqa":

Peqqussummi § 4 naapertorlugu kommuni iliuuseqartussaqa tassaavoq kommuni malittarisassatigut isumaginninnermut tunngasut aalajangersarneqarsimasut tunngavigalugit pinngitsoorani iliuuseqartussatut pisussaaffilerneqarsimasoq. Pinngitsoorani iliuuseqarnissamut pisussaaneq assersuutigalugu tassaasinnaavoq pisortanit ikiorsiissutit pillugit peqqussut naapertorlugu nukinginnartumik ikiorsiissamut pisussaaneq imaluunniit meeqqanut inuusuttunullu ikiorsiissutit pillugit Inatsisartut peqqussutaat malillugu meeqqanut inuusuttunullu tuaviuussassanik ikiorsiissamut pisussaaneq. "Pinngitsoorani"-mik oqarnikkut erseqqissarneqarpoq iliuuseqarnissamut pisussaanagerusoq, apeqqutaatinnagu kommuni pineqartoq pisusavimusimannikkaluarnersoq. Kommuni iliuuseqartussaqa amerlanerpaatigut tassaasarpog kommuni najugarivitaq, tassami amerlanerpaat aalajangersumik najugarisaminni najugaqartarmata, kisiannili paaqqinnittarfinnut inissiisoqarsimatillugu, ilinniaqarnermi imaluunniit (najugarivitamit) qimagusimagallarnermi kommuni iliuuseqartussaqa tassaaneq ajorpoq kommuni najugarivitaq.

"kommuni akiliisussaviusoqa":

Peqqussummi § 5 naapertorlugu kommuni akiliisussaqa tassaavoq kommuni isumaginninnermi malittarisassat tunngavigalugit ikiorsiissutaasimasunik inaarutaasumik aningaasartuuteqarnissaminut pisussaaffilerneqarsimasoq. "Inaarutaasumik" oqarnikkut nalunaarneqarpoq kommuni akiliisussaqa tassaasoq kommuni aningaasartuutigineqartunik akiliisussaviusoq. Tamatumuuna naatsorsuutigineqarunarportaaq kommunip allap, tassa kommunip akiliisussaviunngitsup, pisussanngorsinnaanera aningaasartuutissat akilerallassallugit, soorlu taamaattarsinnaasoq inuk ikiorsiissutit tunineqassagaangat kommunip najugarivitami avataani najugaqartilluni. Tamanna pisinnaavoq kommunip najugarivitaq akuersineratigut taamalu aamma akuersineratigut aningaasartuutit kingusinnerusukkut akilerumallugit, imaluunniit malittarisassat immikkut ittut tunngavigalugit, tassa malittarisassat kommunimik uninngavigineqartumik pisussanngortitsisut kommuni najugarivitaq sinnerlugu ikiorsiissuteqarnissaanut, soorlu taamaattarsinnaasoq nukinginnartumik ikiorsiissuteqarnermi, ikiorsiissutit ikioqqusup aningaasatigut suliffeqarnikkulluunniit illersorneqarsinnaanngitsumik iliuuseqarsimanagera patsisigalugu utertitassanngortitanik. Kisiannili kommuni akiliisussaqa amerlanertigut tassaasassaaq kommuni najugarivitaq, taamaalillunilu aalajangiisussaassuseq akiliisussaassuserlu oqartussaasup ataatsip pisussaaffigigajuttarpai.

5) Inuit aalajangersimasut kommunimi sumi najugarivitaqarnerat pillugu aalajangersakkat:

Kommuni uninngavigisaq aamma kommuni najugarivitaq pillugit peqqussummi maannamut atortuusumisut kommunit akunnerminni akiliiffigeqatigiittarnissamut pisussaaffii pillugit peqqussummi nutaamissaaq inuit aalajangersimasut kommunimi sumi najugarivitaqarnerat pillugu immikkut ittunik aalajangersagaqarpoq. Tamakku maannamutut tunngasuupput ilinniagaqartunut aamma inunnut pisortat suliniuteqarnerisigut paaqqinniffinni il.il. inissinneqarsimasunut.

a) Ilinniagaqartut:

§6-imi kommunit ilinniagaqartut tamarmik kommunit najugarivitaat pillugit malittarisassat immikkut ittut aalajangersarneqarput. Taamaalilluni ilinniagaqartut pillugit malittarisassamut immikkut ittumut maannamut atortuusumut (Inatsisartut peqqusutaanni nr. 13-imi § 3, imm. 2-mut) sanilliullugu (nutaami uani) inuit pineqartut amerlanerulersinneqarput, tassa malittarisassami maannamut atortuusumi taamaallaat pineqarmata ilinniagaqartut 18-inik ukioqalereersimasut. Taamatut allanngortitsinermut pissutaavoq taamaaliornikkut nassuiaanissat ajornakusoortut pinngitsoorumaneqarnerat, ajornakusoortunik nassuiaasoqartariaqalersarmat inuk 18 inorlugit ukiulik ilinniagaqarnermi nalaani 18-inik ukioqaleraangat taamalu namminerisaminik kommuneqalersarluni najugarivitaminik. Malittarisassaq naapertuuppoq malittarisassanut meeqqanut inuusuttunullu, pisortat suliniuteqarnerisigut angerlarsimaffiup avataanut inissinneqartunut, atortuusunut, taamaattumillu pissutissaveqanngilaq inuit 18-inik ukioqalereersimasut ukioqalereersimanngitsullu immikkoortituaannartarnissaannut.

Inuit pineqartut amerlanerulersinneqarnerata saniatigut ilinniagaqartut pillugit malittarisassaq pingaarutilitsigut marlutsigut allannguuteqartitsivoq. Ilaatigut ukioq ataaseq sinnerlugu imaluunniit inorlugi sivilissusilimmik ilinniarnert immikkoortitaanerata atorunnaarsinneqarpoq, ilaatigullu ilinniarnertup kipitinnerata/inernerata kingornagut kommunimik najugarivitaqarneq pillugu malittarisassat ilanngunneqarput.

Imm. 1-imi aalajangersarneqarpoq inuit ilinniagaqarnertik pissutigalugu kommunimi allami najugaqalersut ilinnialernissamik tungaanut kommunitut najugarivitaartik ilinniagaqarnermik nalaani najugarivitariinnassagaat. Ilinniagaqarnerup sivilissusia malittarisassamut maannamut atortuusumut (§ 3, imm. 2) sanilliullugu pingaaruteqanngilaq (tassa pingartinneqarsimagaluarami). Taamatut allannguuteqartitsinermut tunngaviuvoq pingaarutilinnik tunngavissaqarunanginnera attatiinnassallugu immikkoortitsineq, pissutaalersartoq nassuiagassarpassuaqalersarneranut, tassami ilinniagaqarnerit ilaat ilusiligaasarmata aallartilerneranni qanoq sivilutigisumik ingerlanneqarnissaat oqaatigiuminaatsumik. Taamatuttaaq ilinniarnert maanaannaq kipitinneqartut pillugit nassuiaatissarliornartarpoq.

Kommunip maannamut najugarivitaq ilinniagaqarnerup nalaani najugarivatut kom-
muniuinnartarnerata kinguneraa ilinniagaqartup isumaginninnermut malittarisassat
tunngavigalugit ikiorsiivigineqarnissamik qinnuteqaataata oqaluuserineqarlunilu
aalajangiivigineqartarnissaa kommunimit najugarivitaqqaamit. Taamaattumik ilinnia-
gaqartoq ikiorsiiffigisariaqaleruni kommunimut najugarivitaminut saaffiginnissaaq,
kisianni saaffiginnissut kommunimut uninngavigisamut saaffiginnissutigineqarsi-
mappat kommuni ilinniagaqarfiusoq pisussaavoq saaffiginnissut kommunimut
najugarivitarineqartumut ingerlateqqissallugu.

§ 6, imm. 2-mi oqaaseqatigiinni siullerni aalajangersagaq malillugu kommuni naju-
garivitaqqaq ilinniagaqarnerup kipitinnerarnerata/inernerata kingornagut tassaaju-
artassaaq kommuni najugarivitaq, taamaattassalluni ilinniagaqartoq kommunimi
ilinniagaqarfimmiiginnaraangat. Tamatumunnga pissutaavoq taamaangippat kom-
munip ilinniagaqarfiusup pisussaataalartarnissaa, ilinniagaqarfiunini pissutigiinnar-
lugu. Taamaattorli kommuni najugarivitaq taamaattuujuaannartassaaq ilinniarnep
kipitinnerata/inernerata kingornagut sivisunerpaamik ukiuni marlunni, tamatumalu
kingorna kommuni ilinniagaqarfiusoq kommuniulertassaaq najugarivitaq. Ukiunut
marlunnut killiliineq taanna nutaajuvoq, malittarisassarli taama ittoq maannamut
atuussimavoq inunnut pisortat suliniuteqarnerisigut paaqqinniffiinni il.il. inissinne-
qarsimasunut.

Kommuni najugarivitaq § 6, imm. 2-mi oqaaseqatigiit aappaanni aalajangersagaq
malillugu taamaattuujunnaarsinnaavoq ilinniarnep kipitinnerata inernerataluunniit
kingornagut ukiut marluk qaangiutsinnagit, taamaattassallunilu pisoqarsimagaangat
aalajangersakkami taaneqartut arlaannik.

Pisoq siulleq kommunip najugarivitaq taamaattuujunnaarnissaanik kinguneqartus-
saq tassaavoq inuup nammineq sulissutigalugu namminerlu akilerlugu kommunimit
ilinniagaqarfimmit kommunimut allamut nuunna. Taama pisoqartillugu peqqus-
summi § 3, imm. 1-imi najoqqutassaannerusoq malillugu nuuttoq taanna ulloq nuuf-
figisaq aallarnerfigalugu kommunimik najugarilivittaassaaq kommunimi nuuffigisa-
mini, soorlu taamaattartoq nammineq sulissutigalugu namminerlu akilerlugu nuutto-
qaraangat. Aalajangersagaq inunnut angajoqqaatut oqartussaassuseqartunut
tunngatillugu ima paasineqassaaq aamma atortussaasassasoq nuuttoqaraangat
angajoqqaatut oqartussaassuseqartut namminneq sulissutigisaannik namminerlu
akiligaannik.

Pisup aappaa kommunip najugarivitaq taamaattuujunnaarnissaanik kinguneqartus-
saq tassaavoq qaammatit tulleriiginnaat ikinnerpaamik pingasut ingerlaneranni
inuup pineqartup, taassuma aappaata meeraasalu isumaginninnermi malittarisassat
tunngavigalugit ikiorserneqarnissamik pisariaqartitsisimanginnerat. Ikiorsiissutit
landskarsimit tamakkiisumik aningaasalersorneqartut, ikiorsiissutit aningaasatigut
ikiorsiissutaanngitsut ilanngullugit, naatsorsutigineqassanngillat. Malittarisassaq
taanna taaneqartumut siullermut sanilliullugu nutaajuvoq. Malittarisassap taassuma
pilersinneranut pissutaavoq kommunip najugarivitaqqaap kommunitut najugarivita-
tut taamalu aamma isumaginninnermut malittarisassat tunngavigalugit ilaqutariin-

nut ikiorserneqarnissamik sivilungaaitsiartumik pisariaqartitsinngitsunut akilersuisussatut pisussaaitaalernissaata eqqortuusorinanginnera.

Ikiorsiiffigineqarnissamik pisariaqartitsisoqarsimasinnaanera aatsaat aalajangiivigineqarsinnaalertassaaq tunngaveqarluartumik paasineqaraangat piffissap qaangiut-tup ingerlanerani ikiorsiissuteqartoqarsimanersoq. Taamatut pisoqarsimanngik-kaangat kommunip ilinniagaqarfiusup ikiorsiiffigineqarnissamik pisariaqartitsisoqar-simanera uppersartassavaa, tassa kommunip ilinniagaqarfiusup kissaatiginngip-pagu qaammatit pingasut pillugit malittarisassamit eqqorneqarnissani, taamalu kommunitut najugarivatut naatsorsuunneqalerumangikkuni. Peqqussutip atortuu-lerner sioqqullugu pisut qanoq naatsorsuutigisariaqartiginerannut tunngasut pillu-git innersuussutigineqassaaq ikaarsaariarnermi ajornartorsiutit pillugit imm. 10.

b) Inuit pisortat suliniuteqarnerisigut inissinneqarsimasut:

Peqqussummi § 7-imi ilanngunneqarput inuit pisortat suliniuteqarnerisigut angerlar-simaffiup avataani ilaqutariinnut paarsassanngorlugit, paaqutarinniffimmut, nap-parsimmavimmut, pinerluuteqarsimasunik isumaginnittoqarfiup inissiiviutaanut assigisaannulluunniit inissinneqarsimappata kommuni inissiinerup nalaani kommuni-tut najugarivitaasoq inissinneqarnerup nalaani kommunitut najugarivitaaginnassa-nersoq pillugu aalajangersakkat. § 7, imm. 1-imi aalajangersarneqarpoq kommuni inissiinermi kommunitut najugarivitaasoq inissinneqarnerup nalaani aamma kommu-nitut najugarivitaaginnassasoq. "Assigisaannulluunniit"-mik oqarnikkut nalunaarne-qarpoq assersuusiernerinnarmik oqarnek, taamaattumillu tamakkiisuunani. Inissiani najugaqatigiiffinni, inissiani ineqartunut naleqqussakkani najugaqarnek aamma utoqqarnut najugaqatigiiffinni najugaqarnek isigineqassanngillat pisortat suliniute-qarnerisigut inissitaanertut, taamaattumillu (inissiat) tamakku aalajangersakkap avataaniittunut ilaassapput. Taamaattumik inuit tamakkua kommuni najugarivitaat § 3, imm. 1-imi malittarisassaaq malillugu tassaassaaq (kommuni) inissiap sanane-qarfia.

Inatsisartut peqqussutaannut nr. 13-imut sanilliullugu inuit pineqartut amerlaneru-lersinneqarput, tassa aalajangersakkami eqqartorneqarmata inuit pisortat suliniute-qarnerisigut inissinneqasimasut tamarmik, tassa maannamutut imaannani inuit pisortanit ikiorsiissutinik pisartut kisimik.

§ 7, imm. 1-ip atorneqarnerani paasissallugu pingaarnerusoq unaannaavoq inissii-neq pisortat suliniuteqarnerisigut inissiinerunersoq, tassalu pineqanngillat inissiinerit isumaginninnermut malittarisassanik tunngaveqartut kisimik aammali assersuutiga-lugit napparsimmavimmut unitsitsineq pinerluuteqartutullu eqqartuussaanermut atasumik inissiisarfimmut imaluunniit inuusuttunut inissiisarfimmut inissiineq.

§ 7, imm. 2 naapertorlugi inissiinerup taamaatinnerata kingorna inuk kommunimi tassaniiginnarpat kommuni najugarivitaq ukiuni marlunni najugarivitaaginnassaaq. Aamma taamaappoq Inatsisartut peqqussutaanni nr. 13-imi § 4, imm. 2-mi malit-

tarisassani maannamut atortuusuni. Kisiannili § 7, imm. 2-mi oqaaseqatigiinni kingullerni nutaatut aalajangersarneqarsimavoq kommuni najugarivitaq ukiunik marlunnik piffissaliusseq naatinnagu taamatut isigineqarunnaartassasoq aalajangersimasunik pisoqarsimatillugu. Pisut tamakku tassaapput qulaani ilinniagaqartut pillugit immikkoortumi taaneqartut assingi, taamaattumillu tamakku pillugit nassui-aatit innersuussutigineqassapput.

6) Pisortanit ikiorsiissutit:

Kapitali 4-mi eqqartorneqarput pisortanit ikiorsiissuteqarnermi tamakku pillugit Inatsisartut peqqussutaat malillugu akiliisussaassusermut tunngasut.

Kapitalip taassuma ilusiligaanermigut assigiinnangajappaa pisortanit ikiorsiissutit pillugit Inatsisartut peqqussutaanni nr. 13-imi maannamut atortuusumi kapitali 2. Taamaalilluni siullermik najoqqutassaanneruvoq pisortanit ikiorsiissutit suulluunniit pillugit (§ 8). Tulliutillugu nutaatut aalajangersagaqarpoq, tassani tamanut tunnga-tillugu erseqqissarneqarluni inuk kommunip najugarivitaq avataaniittoq pisortanit ikiorsiissutinik qinnuteqartillugu periaasiusartusseq (§ 9, imm. 1). Tassunga uiggiul-lugu ilanngunneqarsimavoq nukinginnartumik ikiorsiisoqassatillugu malittarisassaq immikkut ittoq (§ 9, imm. 2), naggasiullugulu ilanngunneqarsimalluni utertitas-sangorlugit nukinginnartumik ikiorsiisoqassatillugu malittarisassaq (§ 9, imm. 3).

a) *"nalinginnaasumik ikiorsiissutit"*

§ 8-mi najoqqutassaannerusutut aalajangersarneqarpoq pisortanit ikiorsiissutit kom-munimit najugarivitamit, akiliisussaviuutigisumit, tunniunneqartassasut. Najoqqu-tassaannerusoq taanna aamma taamaappoq Inatsisartut peqqussutaanni nr. 13-imi (§ 4, imm. 1-imi) najoqqutassaannerusutut aalajangersakkami maannamut atortuu-sumi. Najoqqutassaanneruinnarnera paasineqarsinnaavoq aalajangersakkap immik-koortuani kingullermi, tassani innersuussutigineqarmata allaassuteqartitsisinnaa-nerit § 9-mi taaneqartut. Kisiannili § 9-mut innersuussinikkut aalajangersarneqar-portaaq najoqqutassaannerusumit allaasunik, § 9-mi taaneqanngitsunik, allaassute-qartitsisoqannginnera. § 9 naapertorlugu allaassuteqartitsisoqarsinnaavoq inuk kommunip najugarivitaq avataani najugaqarpat, najugaqarnerminilu pisortanit ikior-siissutinik pisariaqartitsilerpat.

§ 9, imm. 1-imi aalajangersarneqarpoq qanoq iliortoqartassasoq inuk kommunip najugarivitami avataani najugaqartoq pisortanit ikiorsiiffigineqarnissamik qinnute-qaraangat. Tassani allassimavoq inuk kommunimi najugarivitaminiinngippat kom-munip uninngavigisap ikiorsiissutit qinnuteqaatigineqartut tunniunneqannginneranni qinnuteqaat akuerisassangorlugu kommunimut najugarivitamut saqqummiutissa-gaa. Tassa taamaalilluni kommuni najugarivitaq tassaajuarpooq aalajangiisussaasoq, kommunili uninngavigisap tassaalluni akiliisussatut pisussaasoq.

Akuersissummik piniaqqaartoqarsimangippat kommuni uninngavigisaq ikiorsiissutigineqartut eqqarsaatigalugit komunitut akiliisussavittut isigineqalissaaq, tassa pisoqarsimangippat § 9, imm. 2-mi 3-milu taaneqartut arlaannik, tassa nukinginnartumik ikiorsiinissamik.

b) *nukinginnartumik ikiorsiissutit:*

§ 9, imm. 2-mi nutaatut nassuiarneqarpoq nukinginnartumik ikiorsiinerup qanoq paasineqarnissaa. Tassani allassimavoq nukinginnartumik ikiorsiineq tassaasoq qinnuteqartup tassanngaannartumik pissarliulersimaneratigut pisariaqarluinnartunut ikiorsiineq. Nukinginnartumik ikiorsiissutit ikioqqulluni qinnuteqartup inuuniutissaat, inissinneqarallarnissaanut kiisalu kommunimut najugarivitaminut angerlernerani aningaasartuutitut akiliutitut ikiorsiissutigineqarsinnaapput. Nassuiaat taanna naapertuuppoq nukinginnartumik ikiorsiineq pillugu maannamut periaatsimut.

§ 9, imm. 2 malillugu nukinginnartumik ikiorsiissutit kommunimit uninngavigisamit akiliisussatut kommuniuutigisumittaaq tunniunneqartassapput, ikioqqulluni qinnuteqartup aningaasatigut suliffeqarnikkulluunniit illersorneqarsinnaanngitsumik iliuseqarsimanera pissutigalugu utertitassanngorlugit nukinginnartumik ikiorsiissutaasimangippata, tak. imm. 3-mut innersuussut. Taamaalilluni kommuni uninngavigisaq aalajangiisussaavoq imm. 2. malillugu nukinginnartumik ikiorsiisoqassatillugu, taamaattumillu kommunip uninngavigisap taamatut pisoqartillugu ikiorsiiumalluni kommuni najugarivitaq akuersisinniaqqaagassarinnigilaa. Imm. 2 malillugu nukinginnartumik ikiorsiissutitut assersuutigalugu taaneqarsinnaapput inummut kommunimi uninngavigisaminiikkallarnermi aningaasanik pigisaminillu tilliffigineqarsimasumut taamalu angerlamut aallarsinnaalernissami tungaanut nerisassanut (inuuniutissanut), angerlamut angalanissamut inissinneqarallarnissamullu ikiorneqarnissamik pisariaqartitsilersumut ikiorsiissutit.

§ 9, imm. 2 malillugu nukinginnartumik ikiorsiineq malittarisassat malillugit ikiorsiinissamut atorneqartartussaavoq, kisiannili amerlanertigut imm.3 malillugu nukinginnartumik ikiorsiisarnissaq pillugu malittarisassat atorneqartassanngillat, tassa amerlanerpaatigut apeqqutaasassammat nukinginnartumik ikiorsiinissaq pisariaqalersimanersoq ikioqqulluni qinnuteqartup aningaasatigut suliffeqarnikkulluunniit illersorneqarsinnaanngitsumik iliuseqarsimaneranik pissuteqartumik.

Imm. 3-mi aalajangersagaq malillugu nukinginnartumik ikiorsiissutit ikioqqulluni qinnuteqartup aningaasatigut suliffeqarnikkulluunniit illersorneqarsinnaanngitsumik iliuseqarsimanera pissutigalugu tunniunneqarsimappata kommunip uninngavigisap ikiorsiissutit tunniussinnaavai kommuni najugarivitaq sinnerlugu. Tamanna utertitassanngorlugit nukinginnartumik ikiorsiisarneq pillugu malittarisassanik maannamut atortuusunik annikillisitsineruvoq, tassa maanna piumasarineqarmattaaq utertitsissanngortitsisarnissaq pisimasunik aalajangersimasunik pissuteqartumik. Taamatut annikillisitsinermut pissutaavoq piviusunik tunngavissaqarsorinanginnera kommuni najugarivitaq utertitsisartussanngortissallugu utertitsisussanngortitsineq

pissuteqaraangat pissutsinik pisortanit ikiorsiissutit pillugit Inatsisartut peqqussutaanni § 10, imm. 1-imi aalajangersakkani allani taaneqartunik.

Kommuni uninngavigisaq tassaavoq aalajangiisartussaq ikioqqulluni qinnuteqartup ikiortariaqalernera pissuteqarsimanersoq taassuma aningaasatigut suliffeqarnikkulluunniit illersorneqarsinnaanngitsumik iliuuseqarsimaneranik, tassalu taamaalilluni kommunip uninngavigisap aalajangertartussaassavaattaq ikiorsiissutit utertitasanngortitaassanersut.

Ikiqqulluni qinnuteqartup aningaasatigut suliffeqarnikkulluunniit illersorneqarsinnaanngitsumik iliuuseqarsimaneranut assersuutitut taaneqarsinnaapput ikioqqulluni qinnuteqartup sulinngiffeqarnermini imaluunniit ilaquuttaminut tikeraarnermini taamaallaat bilitsisarsimanagera kommunimit najugarivitaminit kommunimut uninngavimmunut siumuinnaq atugassaminik, bilitsimut utimut atugassaminut akissaarulluni. Tamanna aningaasatigut illersorneqarsinnaanngitsumik iliuuseqarnertut erseqqissumik isigineqartussaavoq. Assersuutip aappaatut taaneqarsinnaavoq kilisaammi inuttaasup putumasimanini pissutigalugu qimataasimanagera namminerlu akissaqarnani angerlamut bilitsissaminut. Tamanna suliffeqarnikkut illersorneqarsinnaanngitsumik iliuuseqarnertut erseqqissumik isigineqartussaavoq.

c) *ilisimatitsisarnissamut pisussaassuseq piffissaqartitsinerlu:*

Kommunili uninngavigisaq kommuni najugarivitaq sinnerlugu ikiorsiisinnaassappat § 9, imm. 3 malillugu piumasarineqarput ikioqqulluni qinnuteqartoq ikiorsiissutit tunniunneqarneranni ikiorsiissutit utertinneqarlutik akilerneqarnissaannik ilisimatinneqartassasoq, taassumalu taama ilisimatinneqarnermini ikiorsiissutit utertinneqarlutik akilerneqarnissaat pillugu uppersaammik atsiuisarnissaa. Tamatuma saniatigut kommunip uninngavigisap ikiorsiissutit tunniunneqarnerisa kingorna kingusinnerpaamik sap. akunnera ataaseq qaangiutsinnagu ikiorsiissutaasimasut sunalu pillugu ikiorsiisariaqarsimanermini tunngavilersuutit pillugit kommuni najugarivitaq ilisimatissavaa. Piumasarisat tamakku naammassineqarsimannippata kommuni uninngavigisaq ikiorsiissutigineqartut eqqarsaatigalugit kommunitut akiliisussavittut isigineqalissaaq.

Utertitsinissamik nalunaarummik atsiuinissaq pillugu piumasarisap naapertuuppoq maannamut periaasiusumut. Sapaatip akunneranilli ataatsimik piffissaqartitsineq nutaajuvoq. Tamatumuuna isumannaallilerniarneqarpoq kommunip najugarivitaq sapinngisamik piaartumik ilisimatinneqartarnissaa nukinginnartumik ikiorsiissutit utertinneqartussaanerannik. Sap. akunneranik ataatsimik piffissaqartitsineq eqqortinneqarsinnaaqqullugu inassutigineqarsinnaavoq kommunip najugarivitaq ikiorsiissutit tunniunneqarniariaangata erniinnaq tamatuminna ilisimatinneqartarnissaa, tamatumalu telefaxikkut pisarnissaa. Kommuni uninngavigisaq taava, nalunaarutip piffissaq eqqorlugu nassiunneqarnera assortuussutigineqalissagaluarpat, uppersaatissaqalissaaq, taamaattumillu kommunip uninngavigisap uppersaatissaqartinniartariaqartassavaa nalunaarutip kingusinaarani tiguneqarsimanagera. Tamatu-

munnga atatillugu oqaatigineqassaaq pingaartuummat kommunip najugarivitap ikiorsiissutigineqartunik sunalu pillugu ikiorsiisariaqarsimanermi tunngavilersuutinik ilisimatinneqartarnissaa, taamaalillunilu naammangilaq sap. akunnerata ataatsip qaangiutinnginnerani tamakku pillugit allagaqarnissaaq allakkat piffissaaq naatinnagu tiguneqarsimassanngikkaluarpata.

Erseqqissarneqassaaq nukinginnartunik ikiorsiisariaqalernerq pisariaqartinneqalerpat tamatuma kommunimut najugarivitamut akueritinniarlugu saqqummiunnissaa maannamut pisarnertut pisariaqanngimmat, tassa kommuni uninngavigisaaq kisimi oqartussaammatt taamatut ikiorsiissuteqarnissamut. Taamaattoq ilisimatitsisarnissamut pisussaassuseq naapertorlugu inassutiginaruassaaq kommunip najugarivitap tamatumingna ilisimatittarnissaa.

7. Meeqqanut inuusuttunullu ikiorsiissutit:

- a) *aallaqqaasiut, tamatumunnga ilanngullugu angajoqqaatut oqartussaassuseqarneq pillugu oqaaseqaatit.*

Inatsisartut peqqussutaat malillugu meeqqanut inuusuttunullu ikiorsiissuteqarnermi akiliinissamut pisussaaffiit kapitali 5-imi eqqartorneqarput.

Kapitali taanna imaalillugu aggugaavoq, pisussaassuseq pillugu malittarisassat siulliullugit aalajangersarneqarlutik, tulliutillugulu aalajangersarneqarlutik meeraq imaluunniit inuusuttoq angajoqqaatutoqartussaassuseqartumi / oqartussaassuseqartuni najugaqarpat imaluunniit ilaqutariinni paarsassanngorlugu pisortanit suliniutigineqanngitsumik inissinneqarpat tamatumunnga malittarisassat; naggataatigullu aalajangersarneqarput meeraq imaluunniit inuusuttoq pisortat suliniuteqarnerisigut angerlarsimaffiup avataanut inissinneqarpat kommunip sorliup kommunitut najugarivatut kommunitullu akiliisussaviusutut isigineqarnissaa pillugu malittarisassat.

Aallarniutigalugu erseqqissarneqassaaq meeraq ataatsimik imaluunniit marlunnik angajoqqaatut oqartussaasoqartarmat. Taamaattumik malittarisassat ilusiligaaneranni isummerfigineqarsimapput angajoqqaatut oqartussaassuseqartup ataasiunerani imaluunniit angajoqqaatut oqartussaassuseqartut marluuneranni iliuuserineqartartussat.

Oqartussaassuseqarneq pillugu inatsimmi § 7, imm. 1 malillugu angajoqqaat meeqqap inunngornerani katereersimasut imaluunniit kingusinnerusukkat katissimasut ataatsimut meeqqamut angajoqqaatut oqartussaassuseqarput. Taamaattorli angajoqqaajusut meeqqap inunngornerani averusersimappata anaanaasoq kisimi angajoqqaatut oqartussaassuseqassaaq - aappariit inooqatigeeqqilersimangippata. Angajoqqaajusut katissimangippata anaanaasoq § 7, imm. 2 naapertorlugu kisimi angajoqqaatut oqartussaassuseqartussaavoq.

Kisiannili angajoqqaatut oqartussaassuseqarneq taamaalillugu qaqugorsuarmut

atuuttussamik aalajangersaavigineqanngilaq. Tassa periarfissaqarpoq angajoqqaatut oqartussaassuseqarneq pillugu isumaqatigiissuteqarnissamut (eqqartuussiveqarfimmi eqqartuussisup akuersissuteqarneratigut). Angajoqqaajusut tamarmik inooqatigiikkunnaarunik imaluunnit inooqatigiittuunngikkunik piumasarinnaavaat ataatsimoorutamik angajoqqaatut oqartussaassuseqarnertik atorunnaarseqqullugu. Averusernermi avinnermilu aalajangiiffigineqartassaag kia angajoqqaatut oqartussaaler-nissaa. Angajoqqaajusut tamarmik angajoqqaatut oqartussaassuseqarnerat isumaqatigiinneq tunngavigalugu atuutiinarsinnaavoq. Sumik pisoqartillugu angajoqqaatut oqartussaassuseqarneq isumaqatiginnikkut allamut "nuunneqarsinnaavoq", kiisalu angajoqqaatut oqartussaassuseqarneq angajoqqaatut oqartussaassuseqartup toq-neratigut allamut tigutinneqarsinnaavoq, eqqartuussiviup aalajangernaratigut. Innersuussutigineqassapputtaaq oqartussaassuseqarneq pillugu inatsimmi kapitalit aappaanni angajoqqaatut oqartussaassuseqarneq pillugu malittarisassat.

Taamaattumik pisariaqaleraangat tamatigut misissorneqartariaqartassaag kia mee-qamut imaluunniit inuusuttumut angajoqqaatut oqartussassuseqarnera.

Angajoqqaatut oqartussaanerup imaa oqartussaassuseqarneq pillugu inatsimmi § 6-imi aalajangersarneqarpoq. § 6, imm. 1-imi allassimavoq angajoqqaatut oqartus-saassuseqartup meeraq isumagissagaa aamma angajoqqaatut oqartussaassuseqar-tup meeqqamut namminermt tunngasut aalajangiiffigisinnaagai meeqqap soqutigi-sai pisariaqartitaalu tunngavigalugit. Taamaalilluni angajoqqaatut oqartussaaneq imaqarpoq isumaginninnissamut pisussaannermik pisinnaatitaanernillu arlalinnik. Isumaginninnissamut pisussaanerup isumagisassaritittarpai meeqqap naammattu-mik nerisarnissaa, atisassaqarnissaa, inissaqarnissaa kiisalu napparsimappat paaq-qutarinissaa nakorsamillu ikiorneqarnissaa. Angajoqqaatulli oqartussaasuutitaneq ingerlaannartumik pilersuisussaasuutitaanermik kinguneqanngilaq, allatut oqaatiga-lugu meeqqamut angajoqqaaviunngikkaanni imalunnit meeravissiamut angajoqqaajunngikkaanni aningaasartuutitigut pisussaaffik ingerlaannartumik pisussaaffigine-qarneq ajorpoq, kisiannili meeqqap pilersorneqarnissaa angajoqqaatut oqartussaa-sup isumagissavaa.

Angajoqqaatut oqartussaassutsip isumaginninnissamut pisussaassutsi naamma-siumallugu angajoqqaatut oqartussaassuseqartoq ilaatigut aalajangiisussaattippaa meeqqap sumi ineqarluni najugaqarnissaa uninngaveqarnissaalu pillugit. Taamali pisussaattitaaneq killiligaasinnaavoq meeqqap inuusuttulluunniit pisortat suliniute-qarnerisigut angerlarsimaffiup avataanut inissinneqarneratigut. Angajoqqaatut oqartussaassutsip imarisaa naapertorlugu kommunit akunnerminni akiliiffigeqatigiit-tarnissamut pisussaaffii pillugit peqqussummi kommuni meeqqap najugarivita a kommunilu angajoqqaatut oqartussaassuseqartup najugarivita a assut katinngatin-neqarput.

b) *ataatsimoortumik aalajangersakkat.*

§ 10, imm. 1-imi aalajangersarneqarpoq kommuni meeqqap imaluunniit inuusuttup

najugarivita aalajangiisartussaassasoq meeqqanut inuusuttunullu ikiorsiissutit pillugit peqqussut malillugu ikiorsiisoqarnissaanik, aamma kommune najugarivitaq tassaasortaaq kommuni taamatut ikiorsiissutinik akiliisartussaq. Meeraq imaluunniit inuusuttoq angajoqqaatut oqartussaasumik/oqartussaasunik tamatigut kommuneqateqartarnaviangimmat/kommuneqateqartarnaviangimmata najugarivitaaminik/ najugarivitaminnik (assersuutigalugu angajoqqaatut oqartussaasoq/oqartussaasut Kalaallit Nunaanni najugaqanngippat/najugaqanngippata), erseqqissarneqarpoq kommuni meeqqap inuusuttulluunniit najugarivita aalajangiisartuusussaassasoq.

§ 10, imm. 2-mi eqqartorneqarpoq meeqqap inuusuttulluunniit kommunip najugarivita avataani najugaqartarnerannut tunngasut. Aalajangersakkami allassimavoq inuit pineqartut kommunip najugarivita avataani najugaqaraangata kommunip uninngavigisap ikiorsiiffigineqarnissamik qinnuteqaat kommunimi najugarivitami akuerisassanngorlugu saqqummiuttassagaa, kommuni najugarivisaq sinnerlugu meeqqanut inuusuttunullu ikiorsiissutit pillugit peqqussut malillugu ikiorsiissutissat tunniussinnaalertinnagit. Imm. 3-lli takoqquneqarneratigut paasinarpoq tamanna pissusissaannaasoq sumik pisoqarsimatinnagu.

§ 10, imm. 3-mi aalajangerneqarpoq meeqqanik inuusuttunullu ikiorsiissutit pillugit Inatsisartut peqqussutaat tunngavigalugu kommuni uninngavigisap iliuuseqartussaataani tunngavigalugu ikiorsiinissamut pisussaaffeqalissappat kommuni najugarivitaq akuersiseqqaanngikkaluarlugu kommuni uninngavigisap ikiorsiisinnaassaasoq, suliassap kommunimut najugarivitamut saqqummiunneqarneratigut aalajangiinissaq kinguartinneqarsinnaanngippat. Amerlanertigut kommunip najugarivitaq akuersisinniartarnissaa periarfissaqartarpoq, kisianni pisoqartarsinnaavoq erniinnarluinnaq akuliuttoqanngippat pisariaqalerluni nukinginnartumik ikiorsiinissaq, assersuutigalugit meeraq angajoqqaatut oqartussaasumit/oqartussaasunit qimaannarneqarsimappat, meeraq inuusuttorluunniit pinerluuteqarsimappata, imaluunniit meeqqap eqqissisimasumik inuunera navianartorsiortinneqalerpat. Kommuni uninngavigisap aalajangersagaq taanna malillugu kommuni najugarivitaq sinnerlugu ikiorsiissuteqarsimappat kommuni najugarivitaq taava aamma tassaassaaq kommuni akiliisusaviusoq, tak. § 10, imm. 3-mi oqaaseqatigiit kingullit.

Kommuni uninngavigisap iliuuseqartussaataani naapertorlugu allatut ajornartumik kommuni najugarivitaq saqqummiussiffigeqqaanngikkaluarlugu ikiorsiissuteqarsimaguni sapinngisamik pilertornerpaamik taamaaliornini pillugu kommunimut najugarivitamut nalunaaruteqassaaq.

c) *pisortatigut inissitaannginneq.*

Meeqqap inuusuttulluunniit pisortat aqutiginagit angerlarsimaffiup avataani innisinneneqarannik oqarnermi pineqartoq unaavoq meeqqap inuusuttulluunniit najugaqarnera 1) angajoqqaatut oqartussaasumi/oqartussaasuni, 2) taakkua arlaanni ataatsimi, 3) imaluunniit inuinnaat isumaqatigiissuteqarnerisigut angerlarsimaffiup avataani ilaqutariinnut allanut imaluunniit atuarfiup nerisaqarfiutigitillugu ineqarfiutaanut

imaluunnit efterskole-mut inissinneqarsimanera.

§ 11-mi aalajangerneqarpoq meeqqat inuusuttullu 18-it inorlugit ukiullit katissimangitsut angajoqqaatut oqartussaassuseqartoq/oqartussaassuseqartut arlaat Kalaallit Nunaanni najugaqavissuuppat taanna kommunitut najugarivitaqatigissa-gaat. Taanna erseqqissaaneruvoq Inatsisartut peqqussutaanni nr. 13-imi § 6-imi malittarisassamik maannamut atortuusumik.

Erseqqissarneqarpoq kommuni najugarivitaq suusoq aalajangiiviginiarneqassatillugu angajoqqaatut oqartussaassuseqartup/oqartussaassuseqartut kinaassusiat paasini-arneqartassasoq aatsaat meeraq inuusuttorluunniit 18-inik ukioqanngippata aamma meeraq inuusuttorluunniit katissimangippata. Taama erseqqissaanermut tunnga- viuvoq meeqqamut inuusuttumulluunniit oqartussaanerup oqartussaassuseqarneq pillugu inatsimmi § 5 naapertorlugu atorunnaartartussaana meeraq inuusuttor- luunniit 18-inik ukioqalerpata imaluunniit aappanippata.

Aappasaanik erseqqissarneqarpoq kinaassutsimik paasiniaanissaq naammatartog angajoqqaatut oqartussaassuseqartut arlaannaata Kalaallit Nunaanni najugaqarnera. Meeraq inuusuttorluunniit marlunnit angajoqqaatut oqartussaaffigineqarpat anga- joqqaatut oqartussaasut nalinginnaasumik inooqatigiittartussaapput meeraq immi- ni najortigalugu. Kisiannili angajoqqaatut oqartussaasut assigiinngitsunik pissute- qarlutik (assersuutigalugit ilinniagaqarnerminnik,suliaminnut tunngasunik pissute- qarlutik imaluunniit isumaqatigiinngittarnermik kingunerisaanik inooqatigiikkunnar- nermik pissuteqarlutik) Kalaallit Nunaata avataani najugaqarsinnaapput. Kisiannili Kalaallit Nunaanni angajoqqaatut oqartussaassuseqartup kinaassusersinissaanut tunngavissaanerussaaq meeqqap inuusuttulluunniit nammineq Kalaallit Nunaanni najugaqarnera. Tassa meeraq Kalaallit Nunaata avataani najugaqarpat nunami najugaqarfigisaani inatsisit aalajangiisussaassapput kommunip suup iliuseqartus- satut kommuniuneranut aamma kommunip suup meeqqap ikiorsiivigineqarnissaa- nut najugarivatut aamma akiliisussatut kommuniuneranut. Aamma taama nunami allamiittoqarsimappat ikiorsiisoqartoqarsinnaassanngilaq meeqqanut inuusuttunullu ikiorsiissutit Inatsisartut peqqussutaat tunngavigalugu, (kisiannili inunnik isumagin- ninnermut sullissisunik meeraq Kalaalli Nunaata avataanut inissinneqarsimappat pisussaaffiusalluni).

Kiisalu erseqqissarneqarpoq kinaassutsimik paasinninnissaq ajornannginnerussasoq angajoqqaatut oqartussaasuseqartoq Kalaallit Nunaanni najugaqarpat. Taamaalilluni erseqqissarneqarpoq naammanngitsoq maani najugaqarnerinnaq. Tassa angajoq- qaatut oqartussaassuseqartoq aalajangersimanerusumik nunamut atassuteqartaria- qassaaq, najugaqarneq taamaalilluni qularnaallineqassammat.

§ 11-mi, imm. 2-mi, isummerfigineqarput angajoqqaatut oqartussaassuseqartut Kalaallit Nunaanni najugaqarnerat aamma meeqqap inuusuttuulluunniit katissima- nera. Tassani allassimavoq pissutsit taamaakkaangata (angajoqqaat oqartussaasut Kalaallit Nunaanni najugaqaraangata/meeraq inuusutorluunniit katissimappat) mee- qqap inuusuttuulluunniit kommuni uninngavigisaa kommunitut najugarivatut isigine-

qassasoq. Kisiannili § 13-mi imm. 4-mut innersuussinikkut aalajangersagaq taanna tassani eqqartorneqartunut atortussaatinneqanngilaq, tassa meeraq inuusuttorluunniit pisortat suliniuteqarnerisigut angerlarsimaffiup avataanut inissinneqarsimagangat. Aalajangersagaq taanna naapertuuppoq Inatsisartut peqqussutaanni nr. 13-imi § 6, imm. 2-mi malittarisassamut maannamut atortuusumut. Angajoqqaatut oqartussaassuseqartut Kalaallit Nunaanni najugaqartoqanngikkaangata kommunip meeqqap uninngavigisaata najugarivatut kommuniusarnissaa pisussaassuseq pillugu malittarisassanik tunngaveqarpoq, tamatumani pingaartumik ilaallutik meeqqanut inuusuttunullu ikiorsiissutit pillugit Inatsisartut peqqussutaanni kommunip uninngavigisap iliuuseqarnissamut pisussaaffii. Meeraq inuusuttorluunniit katissimatinnagit kommunip meeqqap inuusuttulluunniit uninngavigisaata najugarivatut kommuniusarnissaanut pissutaavoq meeqqap inuusuttulluunniit katissimaguni angajoqqaatut oqartussaaffigineqartussaanginnera. Aalajangersagarli taanna paasineqarsinnaavoq peqqussutip kapitaliata aappaani ataatsimoortumik aalajangersakkat naapertorlugit, taamaattumillu aamma tassuuna paasineqarsinnaavoq meeraq inuusuttorluunniit aalajangersumik ineqarluni najugaqartoq kommunimi uninngavigisami. Taamaangippat kommuni uninngavigisaq taamaallaat ikiorsiisinnaasaaq § 10, imm. 2-mi peqqussutigineqartut naapertorlugit, tassa imaappoq kommunimut meeqqap inuusuttulluunniit aalajangersumik ineqarluni kommunigisaanut saqqummiusseqqaarluni.

§ 12-imi immikkut isummerfigineqarput angajoqqaatut oqartussaassuseqartut Kalaallit Nunaanni najugaqatigiinnginneri. § 12, imm. 1-imi oqaaseqatigiinni siullerni aalajangerneqarpoq taamaattoqartillugu meeqqap inuusuttulluunniit angajoqqaatut oqartussaassuseqartup aappaa najugaqarfigisani najugarivitamik kommuneqarfigeqatigissagaa. Tamanna naapertuuppoq § 6, imm. 3-mi oqaaseqatigiinni siullerni malittarisassamut maannamut atortuusumut.

Meeraq inuusuttorluunniit angajoqqaatut oqartussaassuseqartuni assigiimmik najugaqattaartarpat meeraq inuusuttorluunniit oqaaseqatigiit aappaanni aalajangersagaq malillugu kommuni meeqqap inuusuttulluunniit inuit allattorsimaffiannut allasimaffigisaa kommunitut najugarivatut isigineqassaaq. Inuit allattorsimaffiat nalunaarfigisimasaq aalajangiinermut tunngavissatut pingaartinneqarpoq, taanna isumaqarfigisariaqarmat tassaasoq meeqqap inuusuttulluunniit najugaqarfiginerpaasaa.

§ 12, imm. 2-mi isummerfigineqarput meeqqap inuusuttulluunniit inuinnaat isumaqatigiissuteqarnerisigut angerlarsimaffiup avataani ilaqutariinnut allanut, atuarfiup nerisaqarfiuutigitillugu ineqarfiutaani assigisaanniluunniit inissinneqartarnera. § 6, imm. 3-mi oqaaseqatigiit aappaanni malittarisassamut maannamut atortuusumut sanilliullugu taanna erseqqissaaneruvoq allannqortitsiniviullunilu.

Tassa siullermik erseqqissarneqarpoq pissutsit angajoqqaatut oqartussaassuseqartut atugaasa kommunip najugarivitat aalajangiiffiginissaanut pingaaruteqartuunerat, taamaattumillu angajoqqaq angajoqqaatut oqartussaarnermik tigumminneqataanngitsoq tassani pingaaruteqanngilaq.

Tassa nutaatut § 12, imm. 2-mi oqaaseqatigiinni siullerni aalajangerneqarpoq meeqqap inuusuttulluunniit pissutsit taamaakkaangata angajoqqaatut oqartussaassuseqartut arlaat kingulliullugu najugaqarfigisani kommunitut najugarivitaqatigissagaa. Taamaattussaassaaq angajoqqaatut oqartussaassuseqartut tamatuma nalaani najugaqatigiinngippata aammalu angajoqqaatut oqartussaassuseqartut Kalaallit Nunaata avataani najugaqarsimappata. Aalajangersagaq maannamut atortuusooq malillugu taamaattoqaraangat ataataasup kommuni najugarivitaata tassaasassaaq kommuni meeqqap inuusuttulluunniit najugarivitaata. Taamatut allanngortitsinermut pissutaavoq naleqqunnerusorineqarmat kommunip manna tikillugu akiliisussaviusup taamaalilluni akiliisussaaginnartarnissaa inuinnaat isumaqatigiissuteqarnerisigut ilaqtariinni paarisassanngortitsinerni.

Meeraq inuusuttorluunniit angajoqqaatut oqartussaassuseqartuni marlunni kingulermik najugaqarsimappat imm. 2-mi oqaaseqatigiit aappaat naapertorlugu anaanaasup kommunimi najugarivitaani najugaqavissutut isigineqassaaq. Taamaattussaassaaq anaanaasooq Kalaallit Nunaanni najugaqartuarpat. Taamaanngippat ataataasup kommuni najugarivitaata aalajangiisuussaaq § 12, imm. 3 naapertorlugu. Aalajangersagaq taanna nutaajuvoq, isigineqassaarlu oqaaseqatigiinni siullerni aalajangersakkamut atatillugu. Aalajangersakkamut tassunga tunngaviuvoq meeqqat inuusuttulluunniit angajoqqaatut oqartussaassuseqartut inooqatigiikkunnaarnerisigut inuinnaat isumaqatigiissuteqarnerat tunngavigalugu ilaqtariinnut allanut paarisassanngorlugit inissinneqarajuttarnerat. Meeqqap inuusuttulluunniit kommunimi sumi najugarivitaqarnissaani anaanaasup sumi najugarivitaqartarnerata aalajangiisuutinneqarneranut meeqqat inuusuttulluunniit anaanaminnut atanerugajuttarnera pissutaavoq.

§ 12-imi imm. 3-mi aalajangersakkami pineqarpoq angajoqqaatut oqartussaassuseqartup aappaata Kalaallit Nunaanni najugaqannginnera. Aalajangersakkami tassani aalajangerneqarpoq taamaattoqartillugu angajoqqaatut oqartussaassuseqartup aappaata Kalaallit Nunaanni najugaqartup kommuni najugarivitaata meeqqap inuusuttulluunniit kommunitut najugarivitarissagaa. Tamanna naapertuuppoq maannamut periaasiusumut. Aalajangersagaq taanna atuutissaaq meeqqap inuusuttulluunniit angajoqqaatut oqartussaassuseqartumi pineqartumi najugaqarnera imaluunniit inuinnaat isumaqatigiissuteqarnerat tunngavigalugu ilaqtariinni allani paarineqarluuni najugaqarnera apeqqutaatinnagit. Aalajangersagaq taanna soorunami pingaaruteqartussaavoq angajoqqaatut oqartussaassuseqartut arlaata Kalaallit Nunaannit nuunnerani. Aalajangersagaq taanna tamanna peqatigalugu isigineqarsinnaavoq § 12, imm. 1-imi aalajangersakkamut erseqqissaatitut.

d) *pisortatigoortumik inissiineq.*

Kapitali 5-imi immikkoortumi kingullermi pineqarpoq meeqqap inuusuttulluunniit pisortat suliniuteqarnerisigut angerlarsimaffiup avataanut inissinneqarsimanera. Pisortat suliniuteqarnerisigut inissiinermik pineqartassapput inissiinerit pisortanit suliniutigineqartut tamarmik. Tamakku tassaanerussapput isumaginninnermut

ataatsimiititaliat meeqqat inuusuttullu ikiorniarlugit meeqqanut inuusuttunullu ikiorsiissutit pillugit Inatsisartut peqqussutaat malillugu meeqqanik inuusuttunillu angerlarsimaffiup avataanut inissiinissamik aalajangiineri, aammali tassaasinnaapput pisortatigoortumik inissiinerit allat assersuutigalugit napparsimmavimmut unitsitsineq, pinerluuteqarsimasunut inissiivimmut, inuusuttut pineqaatissinneqarsimasut ineqartigiittarfiinut assigisaannulluunniit inissiinneq.

§ 13, imm. 1-imi aalajangerneqarpoq meeraq inuusuttorluunniit pisortat suliniuteqarnerisigut angerlarsimaffiup avataanut inissinneqarsimappat meeqqap inuusuttul-
luunniit inissinneqarnerata nalaani kommunitut najugarivitaq inissiinerup ingerla-
nerata nalaani meeqqanut inuusuttunullu ikiorsiissutit pillugit Inatsisartut peqqussu-
taat tunngavigalugu aningaasartuutitut akiliisussavittut isigineqassasoq. Malittari-
sasanut maannamut atortuusunut sanilliullugu pingaaruteqanngilaq angajoqqaatut
oqartussaassuseqartup ataasiunera imaluunniit angajoqqaatut oqartussaassuseqar-
tut arlaqarnerat.

Kommuni meeqqap inissiinerup nalaani kommunigisassaa malittarisassaliuunneqar-
poq §§ 11-12-imi malittarisassatigut.

Kommunip sorliup ikiorsiissuteqarnissaq pillugu aalajangiisussaanera malittarisassa-
liuunneqarpoq § 10-mi malittarisassatigut. Taakku malillugit kommuni najugarivitaq
aalajangiisartusnaaneruvoq, taamaalilluni kommuni aalajangiisussaasoq akiliisussaa-
vortaaq. Aatsaat aalajangiinissaq kinguartinneqarsinnaangippat, tak. § 10, imm.
3, taamaatsillugulu kommuni uninngavigisaq kommuni najugarivitaq sinnerlugu
ikiorsiisinnaappat aalajangiisussaassuseq akiliisusaaassuserlu kommunip ataatsip
tigummisassarissanngilai.

Angajoqqaatut oqartussaassuseqartup aappaa meeqqap inuusuttulluunniit kommu-
nitut najugarivitaqatigisaa inissiisimanerup nalaani allamut nuuppat angajoqqaatut
oqartussaassuseqartup kommunitut najugarivitariligaa § 13, imm. 2 naapertorlugu
meeraq inuusuttorluunniit pillugu paasissutissat allattukkat (journalit) kommunimi
nuuffigisami tiguneqarneranniit kommunitut akiliisussavittut isigineqalissaaq. Malit-
tarisassaq taanna naapertuuppoq maannamut periaasiusumut. Erseqqissarneqas-
saaq aalajangersagaq taanna atorneqartassammat taamaallaat nuunneq pippat
Kalaallit Nunaanni kommunimut allamut. Naak aalajangersakkami oqaaseqatigiillor-
neq aamma allatut paasineqarsinnaassagaluartoq kommuni najugarivitaqqaq kisimi
pineqartoq pillugu paasissutissat allattugaatimi nuutinnerinik nassiussaqaassaaq.

Imm. 2-mi malittarisassamut tunngaviuvoq meeqqap inuusuttulluunniit angajoqqa-
tut oqartussaassuseqartup nuunnerani nutaamik kommunitut najugarivitaqalertus-
saanera § 11-mi oqaaseqatigiinni siullerni pingaarnertut malittarisassaq malillugu.
Taamaalilluni kommuni nuuffigineqartoq nuunnerup nalaaniit meeqqamut inuusuttu-
mulluunniit ikiorsiissutit pillugit aalajangiisusussanngortarpoq. Kisiannili kommunip
nuuffigineqartup meeraq inuusuttorluunniit pillugu paasissutissat allattukkat tigup-
pagit aatsaat kommuni taanna naliliisinnaalissaaq inissiineq ingerlaannassanersoq,
allanngortinneqassanersoq unitsinneqassanersorluunniit. Taamaattumik pingaar-

torujussuvoq angajoqqaatut oqartussaassuseqartup kommuniata najugarivitaata angajoqqaatut oqartussaassuseqartoq nuuppat sapinngisamik erninnaq pineqartoq pillugu paasissutissat allattukkat nuutinnerinik kommunimut nuuffigineqartumut nassiussisarnissaa. Kommunip nuuffigineqartup paasiguniuk nuuttup meeqqanut pisortat suliniuteqarnerisigut inissineqartunut angajoqqaatut oqartussaassuseqarnera, kommuni taanna pisussaavoq kommuni qimataq attaveqarfigissallugu meeraq inuusuttorluunniit pillugu paasissutissat allattukkat nuutinnerisa nassiuteqqunissaat pillugu. Kommunip nuuffigineqartup pisusnaanini taanna sumiginnarpagu pisut najoqqutaralugit tamatuma kingunerisinnaavaa akiliisussaviunerup suliniuteqanngitarnermik isiginninnerit nalinginnaasut tunngavigalugit paasissutissat allattukkat nuutinnerisa tiguneqarnerannit siusinnerusumit atuutilersinneqarnissaa.

§ 13, imm. 3-mi 4-milu angajoqqaatut oqartussaassuseqartup aappaata tamarmilluunniit inissiisimanerup nalaani Kalaallit Nunaannit nuunnerat pineqarpoq.

Imm. 3-mi meeqqap inuusuttulluunniit inissisimaneqarnerata nalaani angajoqqaatut oqartussaassuseqartut arlaata meeqqap inuusuttulluunniit kommunitut najugarivitaqatigisaata Kalaallit Nunaannit nuunera pineqarpoq. Oqaaseqatigiit siulliit naapertorlugit pingaarnertut malittarisassaq tassani tassavoq taama pisoqartillugu meeqqap inuusuttulluunniit kommunitut najugarivitaqateqalernissaa angajoqqaatut oqartussaassuseqartup aappaanik, taanna najugarivitaminik kommuneqartuaannarpat Kalaallit Nunaanni. Tamanna naapertuuppoq § 11-mi oqaaseqatigiinni siullerni tunngaviusumik periaatsimut. Kommuni qimataq tamatumunnga atatillugu pisussaavoq kommuni meeqqap inuusuttulluunniit uninngavigisaa kommunitut nutaamik najugariviligaatut nuunneq pillugu ilisimatissallugu. Kommunip qimatap pisusnaanini tamanna sumiginnarpagu taava kommunip qimatap pisut najoqqutaralugit ilimagisavaa suliniuteqannginnermik isiginninneq tunngavigalugu akiliisussaviunerminik tigungminniinnarnissani. Kommunitut akiliisussaviussuseq § 13-imi imm. 2-mi periaaseq naapertorlugi allamut tigutinneqassaaq aatsaat angajoqqaatut oqartussaassuseqartup aappaata najugarivatut kommunia meeraq inuusuttorluunniit pillugu paasissutissat allattukkat nuutinnerannik tigusaqarpat.

Angajoqqaatut oqartussaassuseqartup aappaa najugarivitaminik Kalaallit Nunaanni kommuneqanngippat, imaluunniit allamik angajoqqaatut oqartussaassuseqartoqanngippat, meeqqap inuusuttulluunniit kommuni najugarivitarisimasaa kingulleq imm. 3-mi oqaaseqatigiit aappaat naapertorlugi najugarivatut kommuniuinnaasaaq. Aalajangersakkamut tassunga pissutaavoq kommuni najugarivitaq kingulleq tassaagajuttarmat meeqqamik inissiisimasoq, taamaattumillu inissiinerup ingerlaanarnissaanik, allanngortinneqarnissaanik unitsinneqarnissaanilluunniit naliliisinnaalluarnarpaasoq. Oqartussaassuseqarneq akiliinissamullu pisussaassuseqarneq taamaalillutik naapertuupput § 10-mi imm. 1-imi tunngaviusumik isummamut. Kommunip uninngavigisap meeraq pisortat suliniuteqarnerisigut angerlarsimaffiup avataanut inissineqarsimannikkaangat parlattuanik pineqartaraluartup, tak. § 11-mi oqaaseqatigiit aappaat, uani taaneqartunik pisoqartillugu kommunitut najugarivatut isigineqannginneranut pissutaavoq kommuni uninngavigisaaq kommunitut najugarivatut isigineqassappat kommunip taassuma pisussanngortitaanissaa

akilersuisuunissamut meeqqanut inuusuttunullu kommunimit allamit inissinneqarsimasunut.

§ 13, imm. 4-mi meeqqap inuusuttulluunniit inissinneqarnissaa sioqqullugu angajoqqaatut oqartussaassuseqartut Kalaallit Nunaanniit nuussimanerat pineqarpoq. Taamatut pisoqartillugu pisortat inissiinerat takorloorneqarsinnaavoq pisarsinnaasasoq meeraq angajoqqaat aallarnerannut atasumik inuinnaat isumaqatigiissuteqarnerisigut angerlarsimaffiup avataani Kalaallit Nunaanni ilaqutariinnut allanut inissinneqarsimappat. Taamatut pisoqarsimappat kingusinnerusukkut pisariaqalersinnaavoq pisortat suliniuteqarnerisigut inissiinissaq. Imm. 4-mi aalajangersarneqarpoq taamatut pisoqartillugu kommuni inissiisoq tassaassasoq meeqqap inuusuttulluunniit kommunia akiliisussavisoq. Kommuni inissiisoq tassaassaaq kommuni meeqqap najugarivitaq, § 11-mi oqaaseqatigiit aappaat naapertorlugu isigineqartussaq tassaasoq kommuni meeqqap taamanikkut uninngavigisaa.

8) Isumaginninnermi malittarisassat allat tunngavigalugit ikiorsiissutit.

Kapitali 6-imi isumaginninnermi malittarisassat allat tunngavigalugit ikiorsiinnermi akiliisussaannermut pisussaaffiit kapitalini 4-mi 5-imilu taaneqarsimanngitsut pineqarput.

Kapitali taanna imaallillugu immikkoortitigaavoq, siullermik aalajangersarneqarlutik oqartussaassuseqarnek akiliisussaannerlu pillugit aalajangersakkat tamanut tunngasut, tulliullugit tamakku pillugit malittarisassat immikkut ittut inunnut annertuunik innarluutilinnut ikiorsiisarnek pillugu Inatsisartut peqqussutaannut tunngasut, kingulliullugillu meeqqanut akilersuutit il.il. kiisalu meeravissiartaarnermi tapiissutit tunniunneqartarnerat pillugu Inatsisartut peqqussutaat malillugu ikiorsiisarnek pillugu malittarisassat immikkut ittut aamma meeqqanut ikiorsiissutit pillugit Inatsisartut peqqussutaat pillugu aalajangersagaq. Aalajangersakkatigit taakkunatigit isumaginninnermi malittarisassat massakkut atuuttut pillugit naammaginartumik aalajangersaasoqarsimavoq. Kapitali 6-imi peqqussutini ataasiakkaani oqartussaassuseqarnermut akiliisussaannernullu tunngasut kisimik aalajangersaavigineqarsimapput, taamaattumillu peqqussutit taaneqartut taakkua aalajangersagartaat pissutsit taakku eqqarsaatigalugit allannngortinneqarpata malittarisassat nutaat qulaani taaneqartut inatsisilerinnermi tunngavigisat nalinginnaasut tunngavigalugit peqqussummut matumunnga sanilliullutik kimeqarnerulersussaallutik.

§ 14-imi imm. 1-imi aalajangersarneqarpoq isumaginninnermi malittarisassat allat eqqarsaatigalugit oqartussaassuseqarnermut akiliinissamullu pisussaaffik imminnut malittuusut, tassa oqartussaassuseqartarmat kommuni najugarivitaq tassaasortaaq kommune akiliisussavisoq. Aalajangersakkap oqaasertalerneqarneratigit qulakkeerneqarpoq isumaginninnermi malittarisassat peqqussutip atortuulernerata kingornagut aalajangersaavigineqartut aalajangersakkami ilaatinneqassasut, peqqussutini atortuusuni allatut ittunik aalajangersaasoqarsimanngippat.

§ 14-imi imm. 2-mi ikioqqusup kommunimi najugarivitami avataaniilluni ikioqquneranut tunngasut pineqarput. Tassani aalajangersarneqarpoq ikioqqusoq kommunip najugarivitami avataaniippat kommunip uninngavigisap malittarisassat imm. 1-imi taaneqartut malillugit ikiorsiivigineqarnissamik qinnuteqaat ikiorsiissutit kommunip najugarivitaq sinnerlugu tunniunneqannginneranni kommunimut najugarivitamut akuerisassanngorlugu saqqummiutissagaa. Tamanna erseqqissaanerinnaavoq oqartussaassuseqarneq pillugu malittarisassanik nalinginnaasunik tunngaveqartoq.

§ 15-imi pineqarput ikiorsiissutit inunnut annertuumik innarluutilinnut ikiorsiissutit pillugit Inatsisartut peqqussutaat malillugu ikiorsiissutigineqartartut, tassanilu imm. 1-imi aalajangersarneqarpoq ikiorsiissutit taamaattut ikioqqusup kommuniata najugarivitaq inassuteqarneratigut Isumaginninnermut Pisortaqarfimmit tunniunneqartassasut. Imm. 2-mi aalajangersarneqarpoq ikiorsiissutinut taamaattunut aningaasartuutit landskarsip inaarutaasumik aningaasartuutigisassagai.

§ 16-imi pineqarput meeqqanut akilersuutit il.il. kiisalu meeravissiarthaarnermi tapiissutit tunniunneqartarneri pillugit Inatsisartut peqqussutaat tunngavigalugu ikiorsiissutit, tassanilu imm. 1-imi aalajangersarneqarpoq ikiorsiissutit taamaattut qinnuteqartup kommunitut najugarivitaanit tunniunneqartassasut. Imm. 2-mi 3-milu pineqarpoq ikiorsiissutinut taamaattunut akiliisussaassuseq. Imm. 2-mi aalajangersarneqarpoq meeravissiarthaarnermut tapiissutit kiisalu meeqqanut akilersuutit pisortanit tapiissutit tunniunneqartartut landskarsimit inaarutaasumik aningaasartuutigineqartassasut. Imm. 3-mi aalajangersarneqarpoq meeqqanut akilersuutit siuumoortumik tunniunneqartartut meeqqamut akilersuisussaataasumit inaarutaasumik aningaasartuutigineqartassasut.

§ 17-imi pineqarput meeqqanut tapiissutit, meeqqanut tapiissutit pillugit Inatsisartut peqqussutaat tunngavigalugu tunniunneqartartut, tassanilu imm. 1-mi meeqqanut tapisiat kommunimi najugarivitamit tunniunneqartassasut. Imm. 2-mi aalajangersarneqarpoq meeqqanut tapiissutinut aningaasartuutit landskarsimit inaarutaasumik aningaasartuutigineqartassasut.

Taamaalilluni §§ 15-17-imut assigiissutaasoq tassaavoq kommunip najugarivitaq aningaasanik tunniussisarnissamut oqartussaataitanera akiliisussaananermulli § 14-imi malittarisassanut tamanut tunngasunut naleqqiullugu kommuni najugarivitaq pisussaataitanani. Oqartussaassuseqarneq pillugu malittarisassat akiliinissamullu pisussaassuseqarneq §§ 15-17-imi eqqartorneqartut erseqqissaanerinnaapputtaaq tamakku pillugit peqqussutini malittarisassanik eqqartorneqareersunik.

9) Naammagittaalliuteqartarneq pillugu malittarisassat.

Peqqussutip kapitaliisa arfineq pingajuanni naammagittaaliorsinnaanermi malittarisassat pineqarput. Peqqussummi maannamut atuuttumi kommunit akunnerminni akiliiffigeqatigiinnissamut pisussaaffiit pillugit isumaqatigiinngissutaasut Isumaginninnermut Naalakkersuisumit allaffikkoortumik inaarutaasumik aalajangiiffigineqar-

sinnaanerat § 19-imi imm. 1-imi oqaaseqatigiinni siullerni aalajangiusimaneqarpoq. Erseqqissarneqarpoq allaffikkoortumik aalajangiineq inaarutaasussaasoq, taamaatumillu Naalakkersuisunut ilaasortap aalajangiinera maannamutut naammagittaalliutigineqarsinnaassanngilaq pisortatut oqartussaasumut allamut.

Nutaatut § 19, imm. 1-imi oqaaseqatigiit aappaanni ilanngunneqarpoq aalajangersagaq kommuninik kiisalu Isumaginninnermut Pisortaqarfimmik pisinnaalersitsisoq akunnerminni akiliiffigeqatigiinnissamut pisussaaffiit pillugit aalajangikkanik Isumaginninnermut tunngasunut Naammagittaalliuteqartarfimmut suliassanngortitsisinnanissaannut. Uani pineqartoq tassaavoq Isumaginninnermut Pisortaqarfiup pineqartunut kommunitut uninngavigisatut imaluunnit najugarivitatut isigineqarsinnaanera, tamtumanilu pineqartoq tassaavoq kommunit aqqornerisa avataanni najugaqarneq, peqqussutip § 2 imm. 2 aamma § 3 imm. 2 innersuussutigineqassaapput. Aalajangersagaq kommunit marluk allallilluunnit isumaqatiginnginnerannut atuutinnigilaq, tamannami aalangersakkap oqaaseqatiigiivini siullerni erseqqissarneqarmat.

§ 19-imi imm. 2-mi nutaatut ilanngunneqarportaaq naammagittaalliorsinnaanermut piffissamik killiliineq. Tassani aalajangersarneqarpoq suliassat isumaginninnermut Naalakkersuisoqarfimmut aamma Isumaginninnermut tunngasunut naammagittaalliuteqartarfimmut aalajangigassanngorlugit saqqummiukkumaneqartut aalajangiinermik naammagittaalliuteqarnermik naammagiittaalliuteqarnermut tunngaasuteqartunik kommunip imaluunniit Pisortaqarfiup ilisimasaqalerneraniit kingusinnerpaa-mik sap. ak. sisamat qaangiutinnginneranni saqqummiunneqartassasut. Sap. akunerinik sisamanik piffissaqartitsineq naapertuuppoq isumaginninnermut tunngasut siulersorneqarnerat aaqqiissuussaanerallu pillugit Inatsisartut peqqussutaanni isumaginninnermut tunngasutigut aalajangiinernik naammagittaalliutinik suliareqqitasanngortitsisarnissamut nalinginnaasumik killiliussamut.

Naammagittaalliorqarsinnaalertassaaq suliarni pineqartut arlaat ilisimatineqaraangat kommunip allap imaluunnit Isumaginninnermut Pisortaqarfiup aalajangiineranik. Kommunip ikiorsiiffigineqarnissamik qinnuteqaatip aalajangiivigivinniarnissa kissaatiginngippagu, pissutigalugu tamatumunnga pisussaataaanginini, pissutigineqartoq taanna aalajangiinermik nalunaarummi ikioqqusumut taaneqassaaq, ikioqqusorlu tamanna peqatigalugu ilitersuunneqassaaq qinnuteqaatip sumut tunniunneqarsinnaaneranik imaluunnit nassiunneqarsinnaaneranik. Kisiannili tamanna aalajangiineruviuvoq, taamaattumillu ikioqqusoq maalaaruteqarsinnaanermut periarfissanik ilitersuunneqassaaq. Aammattaaq kommunip ikioqqusoq ikiusavaa qinnuteqaammi kommunimut nammineq sinnerluni sularinnittussaasariaqalersussamut suliareqquneratigut.

Kommuni ikioqqusumut innersuussutigineqartoq imminut isumaqarfiginngippat aalajangiinissamut pisussaasutut, aamma kommuni alla pisussaasutut isiginanngippat suliassaq ikioqqusoq pissutigalugu aalajangiivigivinniarneqassaaq. Taamatut pisoqaraangat kommuni uninngavigisaq peqqussummi § 9-mi imm. 1-imi aalajangersakkat tunngavigalugit aalajangiinissamut pisussaalertassaaq. Aalajangiineq qinnuteqartumut pinngitsoorani atuuttassaaq qinnuteqartulli naammagittaalliutigi-

sinnaassallugu naammagittaalliorsinnaanermut malittarisassat nalinginnaasut malilugit, aappaatigulli pinngitsuunngivilluni atuuttussaassangilaq aalajangiineq kingusinnerusukkut Isumaginninnermut Naalakkersuisumut aalajangiiffiginiagassanngortinniarneqartariaqassappat. Allatut oqaatigalugu, kommuni ikiorsiissutinik tunniussisoq isumaqarfigineqartariaqanngilaq tassarpiaasoq aalajangiisussaasoq akiliinissamullu pisussaasoq.

10) Ikaarsaariarnermi ajornartorsiutit.

Peqqussummi § 20 naapertorlugu peqqussut 1. september 1995 aallarnerfigalugu atortuulersinneqarpoq, tamatumunngalu peqatigitillugu kommuni uninngavigisaq aamma kommuni najugarivitaq il.il. pillugit Inatsisartut peqqussutaat nr. 13 1. november 1982-imeersoq atorunnaarsinneqarpoq. Ikaarsaariarnermi aalajangersakanik immikkut ittunik aalajangersaasoqanngilaq. Kinguliini eqqartorneqarput peqqussummit manna tikillugu atuuttumit nutaamut ikaarsaariarnermi ajornartorsiutaa-sarsinnaasorinartut.

Kapitali 1 pillugu.

Kapitalimi tassani aalajangersakkat oqaaseqarfiginissaannut pissutissaqanngilaq.

Kapitali 2 pillugu.

Nassuiaatinut maannamut atortuusunut sanilliullugu imarisamigut annertuunik allannguuteqanngilaq. Taamaattorli § 3-mi imm. 5-imi aalajangersakkat oqaaseqarfigitsiarneqassapput, pissutigalugu tassani qaammatinik pingasunik aalajangiineq nutaajummat.

§ 3-mi imm. 5-imi taamaassorinninnermut malittarisassaq atussanersoq aalajangiiffiginialeraanni naatsorsuutigineqassaartaaq peqqussutip 1. septemberimi atortuulerner sioqqullugu kommunimi uninngavigisamiissimaneq. Tassa inuk 15. juni 1995-imit kommunimi uninngavigisamini najugaqartoq § 3-mi imm. 5-imi aalajangersagaq malillugu 15. september 1995-imit isigineqassaaq kommunimi uninngavigisamini najugarivatut kommuneqartutut tassunga peqqaarnerminit, uppersarnerneqanngip-pat kommunimi allami aalajangersumik ineqarluni najugaqarnini allanngortissimangikkaa.

Kapitali 3 pillugu.

§ 6-imi imm. 1-imi nutaatut immikkoortinneqanngillat ilinniagaqarnerit ukiumit

ataatsimit sivikinnerusut aamma ukiumit ataatsimit sivilunerusut. Ukiumit ataatsimit sivikinnerusumik ilinniagaqarnernut tunngatillugu tamanna pingaaruteqanngilaq, tassa kommuni najugarivitaqqaq malittarisassat maannamut atortuusut aamma malillugit isigineqartarmat ilinniagaqartup ilinniagaqarnermi nalaani najugarivatut kommunigaa.

Ilinniagaqarnerilli ukiumit ataatsimit sivilunerusut pillugit isiginninneq sionatigumut naleqqiullugu annertuumik allangortinneqarpoq, tassa kommuni najugarivitaqqaq maanna isigineqalermat kommunitut najugarivatut aamma ilinniagaqarnerit taamaattut nalaanni, kommunili ilinniagaqarfiusoq malittarisassat maannamut atortuusut malillugit isigineqartarluni ilinniarnep aallartinneraniit kommunitut najugarivatut.

Ilinniagaqartunut 1. september 1995-imi ilinnialersunut kingusinnerusukkulluunniit ilinnialersussanut malittarisassat nutaat soorunami atuutissapput. Ilinniagaqarnerit ingerlanneqalereersut eqqarsaatigalugit ikaarsaariarnermi malittarisassanik immikkut ittunik aalajangersaasoqarsimannginnera pissutigalugu imaakkumaarpoq kommuni ilinniagaqarfigisaq kommunitut najugarivatut isigineqarunnaarluni kommuni najugarivitaqqaq taamatut isigineqalissalluni 1. september 1995 aallarnerfigalugu. Taamaattumik kommunit ilinniagaqarfiusut ulloq taanna aallarnerfigalugu pisussaalissapput ilinniagaqartunit tamanit qinnuteqaatit, qanoq sivilutigisumik ilinniarsimamnerat apeqqutaatinnagu, ingerlateqqittarnissaannut kommunimut ilinniagaqartup najugarivitaanut, tak. peqqussummi § 6, imm. 1, aamma § 9, imm. 1, § 10, imm. 2 aamma § 14, imm. 2.

§ 6-imi imm. 2-mi ukiut marluk pillugit malittarisassaq ingerlatitseqqinneruvoq malittarisassanik maannamut atortuusunik. Kisiannili § 6, imm. 2-mi oqaaseqatigiit aappaanni ukiuni marlunni pisussaaffiup immikkut ittunik pisoqartillugu atorunnaartarnissaanik aalajangersagaq nutaatut ilanngunneqarpoq. Taaneqartoq siulleq (kommunit ilinniagaqarfiusumit nuunneq) maannamut periaasiusumut naapertuuppoq. Taamaattumik malittarisassat maannamut atuuttut malillugit 1. september 1995 sioqqullugu nuunnerit kingunerissavaat kommunip ilinniagaqarfiusup kommunitut najugarivatut isigineqarunnaarnissaa, naak peqqussummi nutaami aalajangersakkami taamaallaat pineqaraluartoq nuunnerit peqqussutip atortuulernerata kingornagut pisut.

§ 6-imili imm. 2-mi oqaaseqatigiit aappaanni nr. 2-mi qaammatit pingasut pillugit malittarisassaq maannamut periaasiusumut naleqqiullugu nutaajuvoq. Inuk, taassuma aappaa meeraalu aningaasatigut ikiorserneqarnissamik pisariaqartitsinnginnerusut aalajangiiffiginiassagaanni peqqussutip atortuulernerata sioqqullugu najugaqarsimasinnaanerata aamma naatsorsuutigineqassaaq. Taamaalilluni ikioqqusup ilinniarnermi 15. juni 1995-imi naammassinerata kingornagut kommunimi ilinniagaqarfimminii-ginnartup § 6-imi imm. 2-mi oqaaseqatigiit aappaanni nr. 2 naapertorlugu 15. september 1995-imi atulersumik kommune ilinniagaqarfini najugarivatut nutaamik kommunigilissavaa.

§ 7-imi imm. 1-imi aalajangersakkap assigiinnangajappai malittarisassat maannamut atortuusut. Allanguutitut pingaarutilittut isigineqarpoq inuit inissiani najugaqaqatigiiffinni, inissiani ineqartunut naleqqusakkani imaluunniit utoqqarnut najugaqaqatigiiffinni najugaqartut pisortat suliniuteqarnerisigut inissinneqarsimasutut isigineqannginnerat. Tamatuma kingunerissavaa kommunip uninngavigisap 1. september 1995-imit atulersumik § 3, imm. 1 nappertorlugu kommunitut najugavitatut isigineqarnissaa, tassa inuit inissiani taamaattuni najugaqartut eqqarsaatigalugit.

§ 7, imm. 2 pillugu innersuussutigineqarput qulaani § 6, imm. 2 pillugit oqaaseqaatit.

Kapitali 4 pillugu.

§ 8-mi pingaarnertut malittarisassaq malittassatut maannamut atortuusutut iinnarpoq, taamaattumillu taanna oqaaseqarfigineqassanngilaq. Taamatut aamma oqaaseqarfigineqassanngilaq suleriaasissaq § 9-mi imm. 1-imi eqqartorneqartoq.

Nutaatut § 9-mi imm 2-mi ilanngunneqarpoq oqaatsit "nukinginnartumik ikiorsiissutit" nassuiagaanerat. Nassuiaaneq taanna atuutilissaaq peqqussutip atortuulerfianit, taamalu 1. september 1995 aallarnerfigalugu nukinginnartunik ikiorsiissuteqartoqartalissaaq pisoqaraangat § 9-mi imm. 2-mi taaneqartunik, siunertanullu aalajangersakkami tassani taaneqartunut.

Malittarisassanut maannamut atortuusunut naleqqiullugu § 9-mi imm. 3-mi killiliiffigineqarpoq kommunip uninngavigisap kommuni najugarivitaq sinnerlugu nukinginnartumik ikiorsiisinaanera. Tassa maannakkut piumasarineqalerpoq ikiorsiissutit utertinneqarsinnaalernissaat ikioqqusoq aningaasatigut suliffeqarnikkulluunniit illersorneqarsinnaanngitsumik iliuuseqarsimappat, utertitsinissamik nalunaarummik atsiugaqarsimanissaa, kiisalu kommunip uninngavigisap kommunimut najugarivita-mut ilisimatitsisarnissaa ikiorsiissutigineqartunik tamatumunngalu pissutaasunik kingusinnerpaamik ikiorsiissutit tunniunneqarnerisa kingornagut sapaatip akunnerata ataatsip qaangiutinnginnerani. Piumasarisat taakku pingasut naammassineqarsimassapput ikiorsiissuteqartoqarsimappat peqqussutip atortuulernerata kingornagut. Sapaatip akunneranik killiliinermi nalinginnaasumik pineqartoq tassaavoq, atortortuulersitsinerup kingornatigut ikiorsiinerit.

Kapitali 5 pillugu.

Peqqussummi §§ 10-mi, 11-imi 12-imilu oqaaseqatigiinni kingullerni aalajangersakkat erseqqissaanerinnaapput malittarisassanut maannamut atortuusunut, taamaattumillu immikkut ittunik oqaaseqarfigineqassanngillat.

Meeraq inuusuttorluunniit angajoqqaatut oqartussaasuni assigiimmik najugaqaqat-taartarpat meeraq inuusuttorluunniit § 12-imi oqaaseqatigiit aappaani aalajangersa-gaq malillugu najugarivitamik kommuneqassaaq meeqqap inuusuttulluunniit inuit allattorsimaffiannut allassimaffigisaani. Taamaattumik taamattoqartillugu paasilluar-neqartassaaq meeqqap inuit allattorsimaffiannut sumut allatsissimanera.

§ 12-imi, imm. 2-mi oqaaseqatigiinni siullerni aalajangersagaq malittarisassani maannamut atortuusuni aalajangersakkanik allangortitsineruvoq. 1. september 1995- imit atuutilersumik meeraq inuusuttorluunniit inuinnaat isumaqatigiissuteqar-nerisigut angerlarsimaffiup avataani ilaqutariinnut allanut, atuarfiup nerisaqarfiuuti-gitillugu ineqarfiutaani assigisaanniluunniit inissineqarsimappat meeraq inuusuttor-luunniit angajoqqaatut oqartussaasuseqartup aappaata kingulliulluni meeqqamik tigumminnissimasup kommunitut najugarivitaani najugarivitaqartutut isigineqas-saaq. Taamaalilluni kommunitut najugarivatut pisussaassuseq allangortinneqaru-maarpoq 1. september 1995 aallarnerfigalugu, meeraq inuusuttorluunniit kinguller-mik ataatamini najugaqarsimangippat.

§ 12-imi imm. 2-mi oqaaseqatigiit aappaanni aalajangersagaq nutaajuvoq, taassu-malu kingunerissavaa meeqqap inuusuttulluunniit 1. september 1995-imit atulersu-mik anaaminik najugarivatut kommuneqateqarnissaa meeraq inuusuttorluunniit inuinnaat isumaqatigiissuteqarnerisigut angerlarsimaffiup avataani ilaqutariinnut allanut, atuarfiup nerisaqarfiuutigitillugu ineqarfiutaani assigisaanniluunniit inissin-eqarsimappat, aamma meeraq inuusuttorluunniit kingullermik assigiimmik najuga-qaqattaartarsimappat angajoqqaatut oqartussaassuseqartuni.

§ 12, imm. 3 erseqqissaanerinnaavoq malittarisassanik maannamut atortuusunik, taamaattumillu pissutissaqalersitsinani immikkut ittunik oqaaseqaateqarfiginissaa-nut.

§ 13, imm. 1 aamma 2 malittarisassanik maannamut atortuusunik ilaatigut al-langortitsinerupput. Allangortitsinerup kingunerisaanik imaasinnaavoq § 13, imm. 1-imi aamma 2-mi nutaamik malittarisassaalersut kingunerisaannik akiliisussa-viousutut kommunitut inissisimaneq 1. september 1995-imi allangussalluni. Taa-maattumik § 13, imm. 1-imi 2-milu eqqartorneqartunik pisoqartillugu kommunit attorneqartut tamatigut misissortariaqartassavaat malittarisassat nutaat allanngu-u-taassanersut oqartussaassutsimut akiliuteqartussaananermullu tunngasutigut.

§ 13-imi imm. 3 aamma imm. 4 ilaatigut allannguuteqarput malittarisassanik maan-namut atortuusunik allangortitsinermi. Taamaattumik kommunit attorneqartut aalajangersakkani taakkunani eqqartorneqartunik pisoqartillugu misissortariaqartas-savaat malittarisassat nutaat 1. september 1995-imit kingunerissaneraat oqartus-saassutsimut akiliuteqartussaananermullu tunngasutigut allannguuteqartitsisimaner-sut.

Kapitali 6 pillugu.


Tassani aalajangersakkat maannamut malittarisassaareersunik erseqqissaanerinnaammata immikkut ittunik oqaaseqaateqarfigineqassanngillat.

Kapitali 8 pillugu.

Isumaginninnermut Pisortaqarfik illuatungaani kommuuni imaluunniit kommunit arlallit isumaqatigiinngissuteqartillugit naammagittaalliorsinnaanermut periarfissaq nutaaq § 19-imi imm. 1-imi oqaaseqatigiit aappaanni ilanngunneqarpoq. Periarfissaq nutaaq taanna atuutsinneqalerpoq 1. september 1995 aallarnerfigalugu, kisiani kommunit Pisortaqarfiullu aalajangiinerit nutaat piinnarnagit aammattaaq aalajangiinerit peqqussut atuutilingitsoq aalajangiinerusimasut suliassanngortittarsinnaavaat. Suliassarli § 19-imi imm. 2-mi aalajangersagaq malillugu saqqummiunneqartassaaq kommunip imaluunniit Pisortaqarfiup aalajangiinermik naammagittaalliuuteqarnermut tunngassuteqartumik ilisimasaqalernerannit kingusinnerpaamik sap. ak. sisamat qaangiutinnginneranni.

§ 19-imi imm. 2-mi sap. akunnerinik sisamanik killiliussaq aatsaat atuutsinneqalisartaq peqqussutip atortuulerfianit, tassalu kommunit suliassanik Isumaginninnermut Naalakkersuisumut aalajangigassanngortitsinissaannut immikkut ittunik killiliussat 1. september 1995-ip tungaanut atuutissanngillat.

Isumaginninnermut Suliffeqarnermullu Pisortaqarfik, ulloq 4/12- 1995.



Nukákuluk Kreutzmann / Claus R. Kleemann

